



元詩選丙集目錄

趙承旨孟頫二百首

附趙待制雍一十五首

趙茂才奕七首

袁學士桷二百九十六首

附袁處士哀五首

馬中丞祖常二百六十七首

貢集賢奎一百七首

張中丞養浩九十四首

曹中丞伯啓五十七首

許左丞有壬七十五首

附許太常有孚一十一首

許太祝橫五首

元詩選 丙集目錄


馬教授授熙四首

蒲提學道源四十三首

安處士熙二十四首

陳鄉貢櫟八首

胡學正炳文一十一首



百五十五

秀野草堂
公化

元詩選丙集

趙孟頫

孟頫字子昂宋秦王德芳之後五世祖秀王子偁實生
孝宗賜第于湖州故孟頫爲湖州人年十四以父蔭補
官宋亡家居益自力于學侍御史程鉅夫奉詔搜訪遺
逸以孟頫入見神采煥發如神仙中人世祖顧之喜欲
大用之議者不可授兵部郎中遷集賢直學士出同知
濟南總管府歷江浙等處儒學提舉延祐中累拜翰林
學士承旨得請歸至治初卒年六十九追封魏國公諡
文敏子昂以書法稱雄一世畫入神品四方萬里重購
其詩文者所至車馬填咽自號松雪道人
有松雪齋集
史稱其清邃奇逸讀之使人有飄飄出塵之想戴帥初
謂其古詩沈涵鮑謝自餘諸作猶傲睨高適李翱間仁

元詩選

松雪齋集

秀野堂

宗與侍臣論文學之士以子昂比唐李太白宋蘇子瞻
云虞雍公伯生嘗以詩詣子昂有山連閣道晨畱輦野
散周廬夜屬囊之向子昂曰若改山爲天野爲星則尤
美矣伯生心服之故有元之盛稱虞趙楊范揭焉子昂
以宋王孫仕元爲顯官其從兄子固恥之閉門不肖與
見子昂之沒也宋逸士子虛題其詩卷曰文在玉堂多
煥爛淚經銅狄一滄沱原陵禾黍悲豐鎬人物風流繼
永和亦淡惜之詞也子雍奕並以書畫知名

有所思

思與君別來幾見芙蓉花盈盈隔秋水若在天一涯欲涉不
得去茫茫足煙霧汀洲多芳草何心采蘅杜青島翔雲間錦
書何時還君心雖匪石祗恐彫朱顏朱顏不可仗一作復那能不

惆悵何如雙翡翠飛去蘭苔上

和子俊感秋二首

明月照北林，翩翩棲鳥翻。虛室當靜夜，幸絕人事喧。念子已獨寐，無人相語言。吾生性坦率，與世無競奔。空懷丘壑志，耿耿固常存。何由持此意，往與嚴鄭論。

白露泫然隊，草木日以彫。閒居無塵雜，日薄風翛翛。登高寫我心，葵扇欲罷搖。感時俯逝水，回睇仰層霄。松喬在何許，高蹈不可招。願言從之遊，懷古一何遙。

歲莫和剛父雜詩二首

驚飈吹白日，流光忽蹉跎。登山采衆芳，荆蓼一何多。迷途幸未遠，迴車且委蛇。黃鵠志四海，雀鷄將如何。

肥馬黃金鞍，輕裘華且鮮。竭來從橫馳，意氣何翩翩。朝爲人所慕，夕已爲世憐。此道固應爾，禍福非虛言。生當稱善人，死當謚爲賢。勿羨夸毗子，狂馳終百年。

東郊

晨興理孤榜，薄言東郊遊。清風吹我衣，入被寒飈颼。幽花媚時節，弱蔣依寒流。山開碧雲斂，日出白煙收。曠望得所懷，欣然消我憂。中流望城郭，蔥蔥佳氣稠。人生亦已繁，惠養要須周。約身不願餘，尚恐之所求。且當置勿念，乘化終歸休。

寄題右之此靜軒

卜居無喧寂，尚論心所宗。山林苟不靜，亦與朝市同。聞君南窻下，寄傲樂無窮。曲肱有餘趣，戰勝紛華中。好風從何來，吹子庭前松。清琴時一彈，濁酒尊不空。頗恨道里賒，不得往相從。人事矧好乖，我心何時降。

趙邨道中

朝出南郭門，遙指西山陰。馬蹏與石鬪，宛轉愁我心。溪谷莽回互，寒風振穹林。黃葉灑我衣，巖泉走哀音。淒淒霜露降，窮

思浩難任人生亦何爲百年成古今華堂昔燕處零落歸丘
岑况復不得保悲來淚沾襟

奉酬戴帥初架閣見贈

仙人海上來遺我珊瑚鉤晶光奪凡目奇采耀九州自吾得
此寶晝玩夜不休生世勿恨晚及與斯人儔惜哉無瓊玖可
以結綢繆世德日下衰古風向誰求鬣眉亦何有空受衆女
仇適俗固所願違己良足憂感子贈言意再拜涕泣流安得
騎麒麟從子以遠遊

桐廬道中

歷歷山水郡行行襟抱清兩崖束滄江扁舟此宵征卧聞灘
聲壯起見渚煙橫西風林木淨落日沙水明高旻衆星出東
嶺素月生舟子櫂歌發含詞感人情人情苦不遠東山有遺
聲豈不懷燕居簡書趣期程優游恐不免驅馳竟何成我生

悠悠者何日遂歸耕

元詩選 松雪齋集

三

秀野草堂

張詹事遂初序

青山繚神京佳氣溢芳甸林亭去天咫萬狀爭自獻年多嘉
木合春晚餘花殿雕闌畱戲蝶藻井語嬌燕退食鳴玉珂爰
于此終宴鍾鼓樂清時衣冠集羣彥朝市塵得侵圖書味芳
遠紛華雖在眼道勝安用戰初心良已遂雅志由此見何事
江海人山林未如願

罪出

在山爲遠志出山爲小草古語已云然見事苦不早平生獨
往願丘壑寄懷抱圖書時自娛野性期自保誰令墮塵罔宛
轉受纏繞昔爲水上鷗今如籠中鳥哀鳴誰復顧毛羽日摧
槁向非親爰贈蔬食常不飽病妻抱弱子遠去萬里道骨肉
生別離丘壟誰爲一作掃愁溪無一語目斷南雲杳慟哭悲風

來如何詠穹昊

子昂作詠遠民詩十一首而出此之義有乖宜此詩之演自怡也

禱雨龍洞山

蒼山如犬牙細路入溪谷絕壁千餘仞上有凌雲木陰崖不受日洞穴自成屋蕭森人跡少蒼蔚獸攸伏雲林互隱映澗道相迴復翔禽薄穹霄鳴鳥響巖曲臨橋濯清颺汲井漱寒玉神物此淵潛愆陽有所祝風漓慙善教吏懦恥厚祿暫懷塵外想獨往疑有桔過幽難久居濟勝乏高躅策馬尋故蹊歸樵相追逐

題歸去來圖

生世各有時出處非偶然淵明賦歸來佳處未易言後人多慕之效顰惑蚩妍終然不能去俯仰塵埃間斯人真有道名與日月懸青松卓然操黃華霜中鮮棄官亦易耳忍窮北窻眠撫卷常三歎世久無此賢

元詩選

松雪齋集

四

秀野草堂

印光

題耕織圖二十四首奉懿旨撰

田家重元日置酒會鄰里小大易新衣相戒未明起老翁年已邁含笑弄孫子老嫗惠且慈白髮被兩耳杯盤且羅列飲食致甘旨相呼團樂坐聊慰衰莫齒田饒藉人力糞壤要鋤理新歲不敢閑農事自茲始

正月

東風吹原野地凍亦已消早覺農事動荷鋤過相招遲遲朝日上炊煙出林梢土膏脈既起良耜利若刀高低徧翻壑宿草不待燒幼婦頗能家井臼常自操散灰緣舊俗門逕環周遭所冀歲有成殷勤在今朝

二月

良農知土性肥瘠有不同時至萬物生芽蘖由地中乘耒向畎畝忽徧西與東舉家往于田勞瘁在爾農春雨及時降被野何濛濛乘茲各布種庶望西成功培根利秋實仰天望年豐但使陰陽和自然倉廩充

三月

孟夏土加潤苗生無近遠漫漫冒淺��芄芄被長阪嘉穀雖
已殖惡草亦滋蔓君子與小人茲處必爲患朝朝荷鋤往薶
耨忘疲倦旦隨鳥雀起歸與牛羊晚有婦念將飢過午可無
飯一飽不易得念此獨長歎四月

仲夏苦雨乾二麥先後熟南風吹隴畝惠氣散清淑是爲農
夫慶所望實其腹酤酒醉比鄰語笑聲滿屋然然收穫罷高
廩起相屬有周成王業后稷播百穀皇天貽來年長世自茲
卜願言仍歲稔四海盡蒙福五月

當晝耘水田農夫亦良苦赤日背欲裂白汗灑如雨匍匐行
水中泥淖及腰脊新苗抽利劍割膚何痛楚夫耘婦當盭奔
走及亭午無時暫休息不得避炎暑誰憐萬民食粒粒非易
取願陳知稼穡無逸傳自古六月

大火旣西流涼風日凄厲古人重稼穡力田在匪懈郊行省

元詩選 松雪齋集

五

秀野草堂
齋明

農事禾黍何旃旃碾以他山石玉粒使人憂大祀須粢盛一
一稽古制是爲五穀長異彼稊與稗炊之香且美可用享上
帝豈惟足食人一飽有所待七月

白露下百草莖葉日紛委是時禾黍登充積徧都鄙在郊旣
千庾入邑復萬軌人言田家樂此樂誰可比租賦以輸官所
餘足儲峙不然風雪至凍餒及妻子優游茅簷下庶可以卒
歲太平元有象治世乃如此八月

大家饒米麩何啻百室盈縱復人力多春磨常不停激水轉
大輪磴碾亦易成古人有機智用之可厚生朝出連百車莫
入還滿庭勾稽數多寡必假布算精小人好爭利晝夜心營
營君子貴知足知足萬慮輕九月

孟冬農事畢穀粟旣已藏彌望四野空藁秸亦在場朝廷政
方理庶事和陰陽所以頒歲登不憂旱與蝗置酒燕鄉里尊

老列上行看羞不厭多包羔復烹羊縱飲窮日夕爲樂殊未
央禱天祝聖人萬年長壽昌

十月

農家值豐年樂事日熙熙黑黍可釀酒在牢羊豕肥東鄰有
一女西鄰有一兒兒年十五六女大亦可笄財禮不求備多
少取隨宜冬前與冬後昏嫁利此時但願子孫多門戶可扶
持女當力蠶桑男當力耘耔

十一月

一日不力作一日食不足慘淡歲云莫風雪入破屋老農氣
力衰偃腰背曲索綯民事急晝夜互相續飯牛欲牛肥芟
藁亦預蓄寒驢雖劣弱圪車致百斛農家極勞苦歲豈恒稔
熟能知稼穡艱天下自蒙福

十二月

右耕

正月新獻歲最先理農器女工竝時興蠶室臨期治初陽力
未勝早春尚寒氣窻戶當奧密勿使風雨至田疇耕耨動敢

元詩選 松雪齋集

六

秀野草堂

不脩耒耜經冬牛力弱相戒勤飯飼萬事非預備倉卒恐不
易田家亦良苦舍此復何計

正月

仲春凍初解陽氣方滿盈旭日照原野萬物皆欣榮是時可
種桑插地易抽萌列樹徧阡陌東西各縱橫豈惟籬落間採
葉憚遠行大哉皇元化四海無交兵種桑日已廣彌望綠雲
平匪惟錦綺謀祇以厚民生

二月

三月蠶始生纖細如牛毛婉孌閨中女素手握金刀切葉以
飼之擁紙散周遭庭樹鳴黃鳥發聲和且嬌蠶飢當採桑何
暇事遊遨田時人力少丈夫方種苗相將挽長條盈筐不終
朝數口望無寒敢辭終歲勞

三月

四月夏氣清蠶大已屬眠高首何昂昂蛾眉復娟娟不憂桑
葉少徧野如綠煙相呼攜筐去迢遞立遠阡梯空伐條枚葉
上露未乾蠶飢當早歸秉心靜以專飭躬修婦事儷勉當盛

年救忙多女伴笑語方喧然

四月

五月夏以半谷鷲先弄晨老蠶成雪繭吐絲亂紛紜伐葦作薄曲束縛齊榛榛黃者黃如金白者白如銀爛然滿筐筥愛此顏色新欣欣舉家喜稍慰經時勤有客過相問笑聲聞四鄰論功何所歸再拜謝蠶神

五月

釜下燒桑柴取繭投釜中織織女兒手抽絲疾如風田家五六月綠樹陰相蒙但聞綠車響遠接邨西東旬日可經絹弗憂杼軸空婦人能蠶桑家道當不窮夏望時雨足二麥亦稍豐酤酒田家

一作

及時飲醉倒

媪

一作

與翁

六月

七月暑尚熾長日弄機杼頭蓬不暇梳揮手汗如雨嚶嚶時鳥鳴灼灼紅榴吐何心娛耳目往來忘偃僂織爲機中素老幼要紉補青燈照夜梭蟋蟀窻外語辛勤亦何有身體衣幾縷嫁爲田家婦終歲服勞苦

七月

元詩選 松雪齋集

七

秀野草堂

天籟

池水何洋洋漚麻水中央數日庶可取引過兩手長織絹能幾時織布已復忙依依小兒女歲晚歎無裳布襦不掩脛念之熱中腸朝緝滿一籃莫緝滿一筐行看機中布計日漸可量我衣苟已成不憂天早霜

八月

季秋霜露降凜凜寒氣生是月當授衣有布織未成天寒催刀尺機杼可無營教女學紡績舉足疾且輕舍南與舍北擘擘聞車聲通都富豪家華屋貯娉婷被服雜羅綺五色相間明聽說貧家女惻然當動情

九月

豐年禾黍登農心稍逸樂小兒漸長大終歲荷鋤耨目不識一字每念心作惡東鄰方迎師收拾令上學後月日南至相賀因舊俗爲女裁新衣修短巧量度龜手事塞向庶禦北風虐人生真可歎至老長力作

十月

冬至陽來復草木潛滋萌君子重其然吾道自此亨父母坐

堂上子孫列前榮再拜稱上壽所願百福并人生屬明時四海方太平民無札瘥者厚澤敷羣情衣食苟給足禮義自此生願言興學校庶幾教化成

十一月

忽忽歲將盡人事可稍休寒風吹桑林日夕聲颼颼牆南地不凍墾掘爲坑溝斫桑埋其中明年芽早抽是月浴蠶種自古相傳流蠶出易脫殼絲續亦倍收及時不努力知有來歲不手凍不足惜冀免號寒憂

十二月

右織

次韻周公謹見贈

池魚思故淵檻獸念舊數官曹困窘束卯入常盡因簡書督期會何用傳不朽十年從世故塵土滿衣袖歸來忽相見忘此離別久緬想德翁隱坐羨沮溺耦新詩使我和曠里忘已醜平生知我者頗亦似公否山林期晚歲雞黍共尊酒却笑

桓公言凄然漢南柳

元詩選 松雪齋集

八

秀野草堂

哀鮮于伯幾

生別有再逢死別終古隔君死已五年追痛猶一日我生大江南君長淮水北憶昨聞令名官舍始相識我方二十餘君髮黑如漆契合無間言一見同宿昔春遊每拏舟夜坐常促席氣豪聲若鍾意憤髯屢戟談諧雜叫嘯議論造精覈巍煌商鼎制駟駿漢馬式奇文旣同賞疑義或共析錦囊裝玉軸妙絕晉唐跡粲然極炫曜觀者咸辟易非君有精鑿疇能萃奇物最後得玉鈎瑠琢螭盤屈握手傳玩餘歡喜見顏色刻意學古書池水欲盡黑書記往來閒彼此各有得我時學鍾法寫君先墓石江南君所樂地氣苦下溼安知從事衫竟卒奉常職至今屏障間不忍觀遺墨淒涼方井路松竹蔭真宅乾坤清氣少人物世罕覲緋袍儼畫像對之淚沾臆宇宙一

何悠悲酸豈終極

新秋

夜久不能寐坐來秋意濃
露涼催蟋蟀月白澹芙蓉
漸覺練衣薄欲將紈扇慵

慶壽僧舍卽事

白雨映青松蕭颯灑朱閣
稍覺暑氣銷微涼度踈箔
客居秋寺古心跡俱寂
莫夕蟲鳴階砌孤螢炯
叢薄展轉懷故鄉時聞風鳴鐸

游幻住菴

雨後溪水溢黃流行地中
輕舟何迅邁浴波兼順風
碧蓋艸始長柔桑葉已空
瞬息抵山曲窈窕微逕通
青林夾道流泉響幽叢多
慚衆衲子前路相迎逢
禪居新結構斧斤未輟工
雙閣出塵躡六憲自玲瓏
久矣厭城市飄如脫樊籠
妙香清鼻觀新鴛鷺耳聾
汲水插山花開牖納風松
經聲出廊廡寂然聞鼓鐘
蔬食飲一飽亦與膏粱同
緬懷老尊宿宿燕坐毗盧
峰塵緣苦未斷無由往相
從一宿返歸棹迴望但青蔥

清河道中

揚舠清河開篷素秋曉
爛熳被厓花委蛇順流藻
天清去鴈高野闊行人小
故園歸有期客愁淨如埽

七月六日承貞居先生遠寄周鍾銑間有文象鳧之形則考工記所謂鳧氏爲鍾者也擊之與夷則合而是日又適立秋古物之來豈偶然哉輒成小詩拜貺

之辱

故人賞我趣遺我鳧氏鍾
制與周禮合試叩聲春容
是日新秋節夷則還爲宮
懸之西檐下浮磬儼在東
金石互相應聞以絲與桐
八音雖未備古樂將無同
鼎尊鐸鞀卣羅列見古

風揖讓於其間令我懷周公作詩報嘉貺庶以開羣聳

題錢舜舉著色梨花

東風吹日花冥冥繁枝壓雪凌風塵素羅衣裳照青春眼中
若有梨園人攀條弄芳畏日夕只今紙上空顏色顏色好愁
轉多與君酌酒花前歌

題西谿圖贈鮮于伯幾

山林忽然在我眼攬袂欲遊嗟已遠長松謾謾含蒼煙平川
茫茫際曾嶽大梁繁華天下稀走馬鬪雞夜忘歸君獨胡爲
甘寂寞坐對山水娛清暉西谿先生奇崛士正可著之巖石
裏數間茅屋破不修中有神光發奇字綠蘋齊葉白芷生送
君江南空復情相思萬里不可見時對此圖雙眼明

戲題出洗馬

齧齠丕駕誰能御駑蹇紛紛何足顧青絲絡首錦障泥鞭筆
空勞怨長路明窻戲寫乘黃姿洗刷歸來氣如怒不須對此
苦歎嗟男兒自昔多徒步

送孟仲則遊荆湖兼往襄漢

行路方難子何往瀟湘洞庭天一方長江風來浪如雪荆門
木落天雨霜千金養客不復見萬里訪舊庸何傷子才有用
未得試牛刀愛惜藏鋒鉞似聞遠遊未渠央更欲攬轡趨襄
陽昔年戰鬪且休息白骨已瘞愁雲黃伏龍鳳雛在何處鹿
門山色還蒼蒼登高弔古一長嘯萬事慘淡悲中腸人生聚
散安可常爲君起舞君舉觴明朝帆影拂浮玉寄言客居思
故鄉

烈婦行 并序

至元七年冬濱州軍士劉平之戍棗陽與其妻胡俱道
宿車下平爲虎所得胡起追及之殺虎脫其夫吾聞之

中原賢士大夫如此乃爲感激慷慨作烈婦行以歌之
客車何焯焯夫挽婦爲推問君將安去言往棗陽戍官事有
程宿車下夜半可憐逢猛虎夫命懸虎口婦怒髮指天十步
之內血相濺夫難再得虎可前寧與夫死毋與虎生呼兒取
刃力與爭虎死夫活心始平男兒節義有如許萬歲千秋可
以事明主馮婦卞莊安足數嗚呼猛虎逢尚可甯成甯成奈
何汝

送高仁卿還湖州

昔年東吳望幽燕長路北走如登天捉來官府竟何補還望
故鄉心惘然江南冬暖花亂發朔方苦寒氣又偏木皮三寸
冰六尺面頰欲裂凍折弦盧溝強弩射不過騎馬徑度不用
船宦遊遠客非所習狐貉不具綿袍穿京師空富不空薄青
衫駿馬爭騰騫南鄰吹笙厭梁肉北里鼓瑟羅姝妍淒涼朝
士有何意瘦童羸騎雞鳴前太倉粟陳未易糴中都俸薄難
裹纏爾來方士頗向用讀書不若燒丹鉛故人聞之應見笑
如此不歸殊可憐長林豐草我所愛羈勒未脫無由緣高侯
遠來肯顧我裊茗抱被來同眠青燈耿耿照土屋白酒薄薄
無葷羶破愁爲笑出軟語寄書妻孥無一錢江湖浩渺足春
水鳧鴈滅沒橫秋煙何當乞身歸故里圖書堆裏消幾年

謝鮮于伯幾惠震餘琴云是許旌陽手植桐所斲

仙人已歸白雲中空餘手植青枝桐根柯盤鬱如蛟龍一朝
霹靂驅雷公烈火半蕪隨狂風箕子之裔多髯翁才氣邁俗
驚愚蒙抱持來一作東歸尋國工斲爲二琴含商宮我來自北狄
相逢持一贈我爲我容自吾得此不敢寐一作終夜起坐彈
孤一作秋鴻下絃清冷上黃鐘轉絃更張涕滿胸黃虞已遠將無
同恨君不識牙與鍾恨我不識瞽與矇周南大雅當誰從

贈相者

吾聞伯樂善相馬一顧千金長高價何人僮僕買權奇滿眼
駑駘居櫪下張君年少自有神走半江湖多閱人我生瘦快
乏駿骨浪許騰驪防失真連朝春雨今始晴花枝點眼生春
情樓前山色橫翠靄湖上柳黃飛亂鷺便須酌酒與君飲醉
倒花前猶滿引懶從唐舉問流年欲向德翁謀小隱

題商德符學士桃源春曉圖

宿雲初散青山溼落紅纈紛溪水急桃花源裏得春多洞口
春煙搖綠蘿綠蘿搖煙挂絕壁飛流淙一作下三千尺瑤草離
離滿澗阿長松落落凌空碧雞鳴犬吠自成邨居人至老不
相識瀛洲仙客知仙路點染丹青寄輕素何處有山如此圖
移家欲向山中住

秋夜曲二首

元詩選 松雪齋集

十三

秀野草堂

雨聲滴夜清漏長朱簾金幕浮新涼閨中美人動裁剪故羅
衣被生秋香東鄰剝棗西鄰穫旅館無人念飄泊餘不潦盡
涵清輝芙蓉壓堤怨不歸牆根草綠陰蛾飛

蒲萄架空墮殷玉遙夜露寒生體粟暗蛩棲草鳴不平無絲
絡緯空勞促夢魂苦短道苦長萬山溪處非吾鄉玉蟲搖金
螢入屋去鴈來魚應可卜醒眼熒熒愁萬斛

孔道輔擊蛇笏

以笏擊蛇有孔公義與段公擊賊同事之鉅細雖有異正氣
憤激生于中偉哉孔公聖人喬豈聽妖邪亂民志卽今槐木
一尺強氣象凜凜含風霜子孫守之慎寶藏絕勝象牙堆滿
牀

燕脂駿圖歌

騏驎腰裏世常有伯樂不生淹棧豆歛見此圖神自王權奇

磊落龍爲爻，隅目晶瑩生。紫光錦毛錯，落蒙清霜霜。蹶蹶蹙蹙，寒玉響霧鬣。振動秋風涼，朝浴扶桑騰。浩蕩莫林崑崙，超象罔。雄姿似隘六合，小盛氣欲籟浮雲上。嗅塵一歎驚肉飛，奮迅不受人間韉。豈惟萬馬羞欲死，直與八駿爭先馳。只今相者多舉肥歎息，此圖誰復知。君不見王處冲半生隱德真成癡。魏公自幼好畫馬，友人郭祐之贈詩云：世上但解比龍眠，那知已出曹霸上。

賦張秋泉真人所藏研山

泰山亦一拳石多勢雄，齊魯青魏峩此石却是小。岱岳峰巒無數生，陂陀千巖萬壑來。几上中有絕澗橫，天河粵從混沌元氣判，自然凝結非鑄磨。人間奇物不易得一見，大叫爭摩挲。光公平生好奇者，大書淡刻無差謫。倘有小研天所造，仰受筆墨如圓荷。我欲爲君書道德，但願此石不用鵝巧偷。豪奪古來有問君，此意當如何。

元詩選 松雪齋集

兔

少年馳逐燕齊郊，身騎駿馬如騰蛟。耳後生風鼻出火，大呼討來飛鳴憊。如今老大百憂集，拄杖徐行防喘急。卷中見畫眼爲明驥，聞秋風雙耳立。詩來國朝語謂兔也。

春寒

夜雨鳴高枕，春寒入敝袍。時光自花柳，吾意豈蓬蒿。失色黃金盡，知音白雪高山林。隱未得空覺此生勞。

雪後同子俊遊何山次韻二首

兵革時猶動，山林日就荒。子真思隱遯，詹尹問^{一作}行藏。有意隨三飯，無人饋五漿。遠山湖外白，立馬見微茫。湍駛波翻雪，風生地出雷。薄醪隨意盡，寒氣逼人來。夏欲明朝去，何妨迫莫回。自憐非李廣，醉尉莫^{一作}相猜。

早春

谿上春無賴，清晨坐水亭。草牙隨意綠，柳眼向人青。初日收濃霧，微波亂小星。誰歌采蘋曲，愁絕不堪聽。

重遊弁山

竹色迷行逕，松聲洶座隅。水清花自照，風暖鳥相呼。飲罷思碁局，歌長鼓唾壺。重來瀟灑地，聊足慰須臾。

魚樂樓

樓下南來水，清冷百尺深。菰蒲終夜響，楊柳半谿陰。日月驅人世，江湖動客心。向來歌舞宴，達曉看橫參。

次韻陳無逸中秋月食風雨不見

谿月當圓夜，看雲起莫愁。曾陰連積水，伏雨暗清秋。白壁難容玷，明珠不可求。每因觀節物，轉覺此生浮。

次韻子山登樓有感二首

西北高樓好，登臨望眼空。弁山橫雨外，笠澤浸天東。計乏千

元詩選 松雪齋集

古

秀野草堂 高元

金藥羞看百鍊銅，只應將順一作事都付酒杯中。

懷古情何極，登危氣尚雄。江山一時勝，宇宙百年中。翠袖愁

空谷，綈袍受朔風。超然高舉意，決一作鴻昔送孤一作飛鴻。

次韻馮伯田秋興二首

風緊草木變，露寒沙水清。蕭蘭嗟共悴，鷓鴣忍先鳴。黃閣非吾事，青山不世情。浩歌聊感激，裘馬任肥輕。

興逐秋風發，愁隨秋夜長。繫書陽鳥遠，促織候蟲忙。世已無劉表，家徒有孟光。故衣寒未補，發篋動幽香。

奉和帥初兄將歸見簡二首

戴子文章伯，不爲時所知。朱絃非衆聽，白壁易群疑。海樹生秋早，江船度越遲。莫愁千里別，要作百年期。

我坐幽憂疾，非君誰與娛。清談忘日夜，高論到唐虞。天地無

青眼，江湖有白須。客居寧鬱鬱，歸興託萑蘆。

和周景遠見寄

四海多兄弟交情子獨親方將尋舴舻何意畫麒麟簿領淹
豪士江湖著散人相看俱老大喜見二毛新

大都遇平江龍興寺僧開上座話唐碁母潛宿龍興
寺詩因次其韻

聞說龍興寺多年未款扉風林發松籟雨砌長苔衣殿古燈
光定房淡磬韻微秋風動歸興一錫向空飛

送翟伯玉雲南省都事

萬里雲南路青山落照邊省郎新紫綬幕府舊紅蓮見面嗟
吾晚觀文覺子賢只應清淑氣不受瘴溪煙

雨

城城衆葉響滋滋生意新知誰實揮灑解使盡圓勾蛛網懸
珠絡荷盤瀉汞銀喜涼生枕簟愁潤逼衣巾

元詩選 松雪齋集

十五

秀野草堂
丁巳

次韻觀復表兄見簡

載酒無人到山園晝掩門泥濘妨步履雨暗只空邨每憶文
園渴難忘北海尊何當來就飲聽我撫桐孫

送董參政赴名

丹極飛明詔鋒車召老臣仲舒經術邃賈誼讜言陳偃草懷
殊俗安田慰遠人公心如皦日江國自熙春散亂堆牀帙蕭
颺滿案塵詭隨吾不忍高卧理還伸入奏能回主當言莫愛
身衮衣瞻望重丈席侍趨頻鉛槧工無益樵漁意已親白鷗
波萬里浩蕩未能馴

投贈刑部尚書不忽木公

胄子何多士明公特妙年詩書師法在簪紱相門傳曳履星
辰上分光日月邊帝心知俊彥羣望屬英賢大木明堂器朱
絲清廟絃吉人詞自寡君子德爲先斷獄陰功厚優儒禮數

偏我非天下士人謂地行仙山好雙遊屐溪清一釣船賦詩
時遣興好客恨無錢攻爾韋編絕俄聞東帛戔風塵驅驛騎
霜雪灑鞍韉別婦經春夏離鄉整四千家書愁展讀旅食困
憂煎郎位蒙超擢官曹幸接聯屢聞哦鄙句信或有前緣知
己誠難遇捫心益自憐樊中淹澤雉春晚怨啼鶻驥病思豐
草鴻冥羨遠天仁言如借僕白首向林泉

送夾谷公分省陝西

憶從長楊獵于時始識公堂堂九尺軀落落萬夫雄補袞彌
縫密能書點畫工勞謙延士類豈弟到兒童黃閣歸人望青
雲有父風驅馳常扈從奏對每留中暫輟尚書履榮分陝右
弓秦山依畫錦燕雪感秋蓬粉署趨承舊瀛洲忝竊同因公
動鄉思飛夢過江東

題楊司農宅劉伯熙畫山水圖

元詩選松雪齋集

上六

秀野草堂

移得山川勝坐來煙霧空窻中列遠岫堂上見青楓巖樹參
差綠林花掩冉紅鳥飛天路迴人去野橋通邨晚畱遲日樓
高納悋風琴尊會仙侶八杖從兒童疑聽孫登嘯將無顧愷
同微茫看不足瀟灑興難窮碧瓦開蓮宇丹樓聳竹宮亂泉
鳴石上孤嶼出江中藉甚丹青譽益知書畫功煩渠添釣艇
著我一漁翁

和姚子敬秋懷五首

銅爵春深漢苑空邨鄆月冷照秦宮煙花樓閣西風裏錦繡
湖山落照中河水南來非禹迹冀方北去有唐風溪城秋色
催遲莫愁對黃雲沒斷鴻

落日孤城動鼓鼙愁中畫角不勝吹山川蕭瑟秋雲淨草木
彫傷莫雨悲多病馬卿聊假日數奇李廣不逢時卷簾白水
青山裏隱几無言有所思

搔首風塵雙短鬢側身天地一儒冠中原人物思王猛江左
功名愧一作謝安苜蓿秋高戎馬健江湖日短白鷗寒金尊綠
酒無錢共安得愁中却暫一作歡

吳宮煙冷水空流慘澹風雲暗九一作素秋禾黍故基曾駐輦芙
容高閣迴添愁繡楹錦柱蛟龍泣金沓瑤階鹿豕遊宋玉平

生最蕭索欲將九辯賦離憂

野曠天高一作木葉疎水清沙白鳥相呼胡笳處處軍麾滿鬼

哭邨邨漢月孤新亭舉目山河異故國傷神夢寐俱黃菊欲
開人卧病可憐三逕已荒蕪子昂云作詩用虛字殊不佳中兩
聯填滿方好殆以此力矯時弊那

聞禱衣

露下碧梧秋滿天砧聲不斷思絲絲北來風俗猶存古南渡
衣冠不及前苜蓿總肥宛腰裏琵琶曾泣漢嬋娟人間俯仰
成今古一作何待他一作當年始惘然

元詩選 松雪齋集

十七

秀野草堂

君甫

登飛英塔

梯甃直上幾百尺俯視層空鳥背過千里湖山秋色淨萬家
煙火夕陽多魚龍袞袞危舟檝鴻鴈冥冥避罔羅誰種山中
千樹橋側身東望洞庭波

岳鄂王墓

鄂王墓一作上草離離秋日荒涼石獸危南渡君臣輕社稷中
原父老望旌旗一作英雄已死嗟何一作及天下中分遂不支莫
向西湖歌此曲水光山色不勝悲陶南村云岳王墓詩不下數十百
篇其膾炙人口者莫如趙魏公作

溪上

溪上東一作春風吹柳花溪頭春水淨無沙白鷗自信無機事玄
鳥猶知有歲華錦纜牙樯非昨夢鳳笙龍管是誰家令人苦
憶東陵子擬問一作田園學種瓜

次韻剛父無逸遊南山作

絕頂清秋凌翠一作紫煙登臨應費酒如川平生能著幾兩屐負
鄙何須二頃田初日出雲光射地雙溪入湖波接天升高望
遠我所憂青壁有路何當緣

次韻信仲晚興

蕭蕭殘照晚當樓寒葉踈雲亂客愁歲月蹉跎星北指乾坤
浩蕩水東流古來人物俱黃土少日心情在一丘獨立無言
風滿袖青山相對共悠悠

次韻王時觀

相思吳越動經年一見情淡重惘然草木變衰人易老江湖
牢落鴈難前秦山半出青天上禹穴遙臨古道邊欲說舊遊
渾似夢何時重上剡溪船

錢唐懷古

東南都會帝王州三月鶯一作鶯花非舊遊故國金人泣辭漢當
元詩選 松雪齋集 十八 秀野草堂

年玉馬去朝周湖山靡靡今猶在江水悠悠只自流千古興
亡盡如此春風麥秀使人愁

次韻舜舉春日感興

沙頭春日已喧妍細柳新蒲色共鮮世事底須求分外人生
何物勝尊前飛花冉冉催華髮宿草青青失古阡回首舊歡
如夢過不知今日是何年

紀舊遊

二月江南鶯亂飛百一作雜花滿樹柳依依落紅無數迷歌扇嫩
綠多情妒舞衣金鴨焚香川上暝畫船槌鼓月中歸如今寂
寞東風裏把酒無言對夕暉

次韻章得一同原父姪遊蘭澤

綠樹閭闔草接天已愁春盡夏聞鶉落花飛絮都成恨痛飲
狂歌渾欲顛起舞有人如謝尚著書無意似伶玄繡筵寶瑟

何時會割錦纏頭不計錢

見章得一詩因次其韻二首

水色清漣日色黃
梨花淡白柳花香
卽看時節催人事
更覺春愁惱客腸
無酒難供陶令飲
從人皆笑酈生狂
城南風暖遊人少
自在晴絲百尺長

片片

一作點點

飛花欲送春

正一作又

愁人黃蜂釀蜜經營急

紫燕銜泥來去頻
才似茂陵非晚遇
美如曲逆不長貧
久知求富都無益
但喜論詩若有神

奉和帥初雨中見贈二首

陰雨淒淒生夏寒
故人望望惜清歡
停雲底事能相阻
后土何時可得乾
無事甘爲犀首飲
切雲聊著屈平冠
閉門客散且高卧
戶外泥濘沒馬鞍

正坐清談與世違
交情如子定應依
一作依稀圖書跌宕心
猶在裘

元詩選

松雪齋集

廿九

秀野草堂

馬清狂意已非黃鶴
未知何日返
飢烏故作傷人飛
谿南流水清如玉
終擬歸休理釣磯

多景樓

層巔官閣幾時修
遶檻長江萬古流
白露已零秋草綠
斜陽雖好莫雲稠
平南籌策張華得
治內人才葛亮優
景物未窮登覽興
角聲孤起甕城秋

東陽八詠樓

山城秋色淨
朝暉極目登
臨未擬歸羽士
曾聞遼鶴語
樓在寶發觀觀征人又見塞鴻飛
西流二水玻瓈合
南去千峰紫翠圍
如此山川良不惡
休文何事不勝衣

中老道士能言諸父出處

金陵雨花臺遠至故人劉叔亮墓

雨花臺上看晴空
萬里風煙入望中
人物車書南北混
山川襟帶古今同
昆蟲一作龍未整霜先隕
鳳鳥不鳴江自東
綠髮劉

伶緣醉死往尋荒塚醉西風

蛾眉亭

天門日湧大江來牛渚風生萬壑哀青眼故人攜酒共兩眉
今日爲君開蒼崖直下蛟龍吼白浪橫空鵝鶴迴南眺一作青

山懷李白沙頭官渡苦相催時與劉伯宣尚書同登

大都紅門外海子上即事

白水青林一作山引興多紅裙翠黛一作世奈愁何底一作祇從莫醉兼朝

醉聊復長歌曼短歌輕燕受風迎落絮老一作游魚吹浪動新荷

餘一作枕不溪上扁舟好何日歸休理釣蓑

贈周景遠田師孟

與子同容帝王州一日不見如三秋風高氣肅鴈聲急天青

一作晴日暖蛛絲遊籬下黃花爲誰好水邊紅樹令人愁世間萬

事可撥遣日日痛飲醉即休

元詩選 松雪齋集

年

秀野草堂

送繆秀才教授真州

髯生別我將安適言向真州作教官但使清風生絳帳何妨
朝日照空槃東園草木因人勝北固江山隔岸看才近中年
已傷別可堪南望送歸鞍

次韻左轄相公

昔年閭里自浮沈郎省那知遂有今老去馮唐堪底用愁來
莊叟向誰吟上林柳色春猶淺西塞桃花水正深知已如公
居鼎鼐不應長此泣南音

次韻左轄相公奉寄行臺中丞徐公

盡日沈迷簿領書何時重得賦閒居已無夢想懸金印豈有
文章到石渠白髮故人霜柏在黃塵遊子斷蓬如舊遊憶在
吳興日自採谿毛膾白魚

送吳思可總管汀州

七閩南去路崎嶇五馬承恩出帝都地氣喜聞今有雪民生
寧似昔無襦山城酒美傾鸚鵡雨館春淡聽鷓鴣他日相思
應悵恨離筵不忍賦驪駒

至元庚辰繇集賢出知濟南暫還吳興賦詩書懷二首
五年京國誤蒙恩乍到江南似夢魂雲影時移半山黑水痕
新漲一溪渾宦途久有曼容志婚娶終尋尚子言政爲疎慵
無補報非干高尚慕丘園

多病相如已倦遊思歸張翰况逢秋鱸魚蓴菜俱無恙鴻鴈
稻粱非所求空有丹心依魏闕又攜十口過齊州閑身却羨
沙頭鷺飛去飛來百自由

劉端父御史見和初到濟南詩次韻荅之

少日居多隱遜情微官猶喜得山城腹中洞視渾無物身外
何因更有名忽憶放船苦水去終朝背郭草堂成故鄉一別
三千里看見池塘草又生

元詩選

松雪齋集

三

秀野草堂
正真

次韻端父和鮮于伯幾所寄詩

畫舸西湖到處遊別來飛夢到杭州百年底用憂千歲一日
相思似幾秋苦憶東南多勝事空吟西北有高樓只今賴有
劉公幹時寫新詩解客愁

酌突泉

樂水發源天下無平地湧出白玉壺谷虛久一作恐元氣泄歲
早不愁東海枯雲霧潤蒸華不注波濤聲震大明湖時來泉
上濯塵土冰雪滿懷清與孤

繼鄭鵬南書懷

豈不懷歸苦未閑宦情羈思不成歡可能治郡如龔遂只合
臨流似幼安碁局懶從先處著醫方留取用時看夜來夢到
苔溪上一枕清風五月寒

德清閑居

已無新夢到清都空有高情學隱居貧尚典衣貪購畫病思
棄研馱求書圍人焚積夜防虎谿女叩扉朝賣魚困即枕書
飢即飯謀生自笑一何疎

題山堂

手種青松一萬栽山堂畱得^{一作}翠屏隈推窗綠樹排簷入臨

水紅桃對鏡開山雉雖迎朝日去野禽啼傍夕陽來老妻亦

^{一作}有幽棲意數日遲畱不肯回

海子上即事與李子構同賦

小姬勸客倒金壺家近荷花似鏡湖遊騎等閑來洗馬舞靴
輕妙迅飛鳧油雲判污纏頭錦粉汗生憐絡臂珠只有道人
塵境靜一襟涼思詭風雩

重用韻

元詩選 松雪齋集

三

秀野草堂

夏從何處訪蓬壺花滿平堤水滿湖韓嫣金丸落飛鳥王喬
仙履下雙鳧姬姜自愛千金貌遊俠輕量一斛珠我老不知
年少事水邊行散似春雩

送杜伯玉四川行省都事

浣花溪上草堂存今見能詩幾代孫橋刺藤梢隱叢竹椒漿
桂酒薦芳蓀日長畫省文書靜春近岷江雪浪奔我向東吳
君向蜀別離從古解銷魂

次韻李秀才見贈

曾是先皇侍從班龍髯飛去竟難攀重來赤日黃塵裏夢到
清泉白石間豈有文章供世用久判漁釣與雲閒何當偃理
南歸棹呼酒登樓看弁山

人日立春

今年人日與春并人得春來喜氣迎宮柳風微金縷重御溝

冰泮玉鱗生陰消已覺餘寒散陽長爭看曉日明霜鬢絲幡
渾不稱強題新句慰羈情

送岳德敬提舉甘肅儒學

苦欲畱君君不畱奮髯跨一作躍馬走甘州功名到手不可避富
貴逼人那得休春酒蒲萄歌窈窕秋沙苜蓿飽驪驪儒冠也
有封侯相萬里歸來尚黑頭

贈放煙火者

人間巧藝奪天工鍊藥燃燈清晝同柳絮飛殘鋪地白桃花
落盡滿階紅紛紛燦爛如星隕燿燿喧阗似火攻後夜再翻
花上錦不愁零亂向東風

題溫雪峰詩蹟

出擁旌麾一俊臣歸尋松竹作閑人龍蛇畱遣人間世泉石
逍遙物外身自古神仙皆曠達由來豪傑豈埃塵山川良是

元詩選 松雪齋集

五三

秀野草堂
顧明

諸孫老華表歸來又幾春

勝槩樓

樓下寒泉雪浪驚樓前山色翠屏橫登臨何必須吾土嘯傲
聊因得此生簷外白雲來託宿梁間紫燕語關情濟南勝槩
天下少試倚闌干眼自明

老態

老態年來日日添黑花飛眼雪生髯扶衰每藉齊一作過眉杖食
肉先尋剔齒櫛右臂拘攣巾不裹中腸慘戚淚常淹移牀獨
就南榮坐畏冷思親愛日簷

弁山佑聖宮次孟君復韻

意行騎馬到林間晴霧都沈遠近山瓊樹著花春自早翠禽
雙語意相關一杯到手先成醉萬事無心觸處閑猶欠抱琴
來託宿靜中規寫水潺潺

醉後同張剛父清風樓聯句

碧樹未黃風露秋晚雲蕭瑟亂山愁

趙

千家疎雨催砧杵兩

岸殘陽入釣舟

張

畫角吹殘人罷市清尊飲散客登樓

趙古

今回首俱陳迹唯有谿聲日夜流

張

題秋山行旅圖

老樹葉似一作雨浮嵐翠欲流西風驢背客吟斷野橋秋

題萱草蛺蝶圖

叢竹無端綠幽花特地妍飛來雙蛺蝶相對意悠然

黃葵詞

仙掌鬱金衣朝陽風露晞可憐蜂與蝶祇解弄春暉

題太白酒船圖

蕭灑稽山道風流賀季真相思不相見愁殺謫仙人

寄題真定明遠亭

元詩選

松雪齋集

五

秀野草堂

未到新亭上先題明遠詩雲間歸鴈小山外夕陽遲

獨夜

秋風動林葉夜雨滴池荷孤客睡不著亂蛩鳴更多

題李仲賓野竹圖

并序

吾友李仲賓爲此君寫真冥搜極討蓋欲盡得竹之情
狀二百年來以畫竹稱者皆未必能用意精深如仲賓
也此野竹圖尤詭怪奇崛窮竹之變枝葉繁而不亂可
謂豪髮無遺恨矣然觀其所題語則若悲此竹之託根
不得其地故有屈抑盤踠之歎夫義尊青黃木之災也
擁腫拳曲乃不夭於斧斤由是觀之安知其非福邪因
賦小詩以寄意云

偃蹇高人意蕭疎曠士風無心上霄漢混迹向蒿蓬

天冠山題

詵錄六

龍口巖

峭石立四壁寒泉飛兩龍人間苦炎熱仙境已秋風
長廊巖

金沙嶺

脩巖如長廊下有流泉注山中古仙人步月自來去

寒月泉

攀蘿緣石磴步上金沙嶺露下色熒熒月生光炯炯

玉簾泉

我嘗遊惠山泉味勝牛乳夢想寒月泉攜茶就泉煮

一線天

飛泉如玉簾直下數千尺新月橫簾鉤遙遙掛空碧

題周秀才此山堂

元詩選 松雪齋集

十五

秀野草堂
天渠

青青雲外山炯炯松下石顧此山中人風神照松色

曉起聞鶯

暑氣曉來清時時聞遠鶯還思故園路松下綠苔生

牧廢苑

一片中原地紛紛幾戰爭至今將不去畱與後人耕

黃清夫秋江釣月圖

塵土染人衣被煙波著我船窻為問行歌都市何如釣月秋

題王子慶所藏大年墨鴈

鴻鴈棲棲遵渚黃蘆索索鳴秋羨殺承平公子筆端萬里滄

洲

初至都下即事

盡日車塵馬足間偶來臨水照愁顏故鄉兄弟應相憶同看

溪南柳外山

送王月爰歸杭州

雲本無心漫出山與來依舊與雲閑何當從子東南去埽地
焚香畫掩關

清勝軒絕句

小草幽香動碧池暖風晴日長新羨南窻晝倚綠陰靜聽盡
行人過馬蹏

題東野平陵圖

事見笠
澤叢書

騎驢渺渺入荒城積水空林坐自清政使不容投劾去也勝
塵土負平生

次韻剛父即事絕句四首

玉樹彫傷衆草黃夜蟲時語怨流光美人望望隔秋水不寄
相思書一行

元詩選 松雪齋集

三六

秀野草堂

淒涼鼓角北風傳嘈雜琵琶思遠天白雪有誰知幼眇翠蛾
空自惜聯娟

搖落山川樹影稀隴雲時逐鴈南飛苦無綠酒剛佳節猶有
黃花媚夕暉

溪頭月色白如沙近水樓臺一萬家誰向夜溪吹玉笛傷心
莫聽後庭花

戲題僧惟堯墨梅

蕭灑孤山半樹春素衣誰遣化緇塵何如澹月微雲夜照影
西湖自寫真

題范蠡五湖杜陵浣花二首

功名自古是危機誰似先生早拂衣好向五湖尋一舸霜黃
木葉鴈初飛

春色醺人苦不禁蹇驢馱醉晚駸駸江花江草詩千首老盡

平生用世心

梅花

蕭灑江梅似玉人倚風無語澹生春曲中桃葉元非侶夢裏
梨花恐未真

送王子慶詔檄浙東收郡縣圖籍

木落江南天地秋西風吹子過東州試開圖籍尋佳處便命
舟車作勝遊

題龔聖予山水圖二首

澤雉樊中神不王白鷗波上夢相親黃塵沒馬歸來晚只有
西山小慰人

當年我亦畫雲山雲白山清只尺間今日看山還自笑白頭
輸與楚龔閑

杭州雨中

元詩選

松雪齋集

七

秀野草堂

江南十日九陰雨花柳欲開無好春却憶京城二三月秋千
風暖漲香塵

題舜舉折枝桃

醉裏春歸尋不得眼明忽見折枝花向來飛蓋西園夜萬燭
高燒照爛霞

懷德清別業

陽林堂下百株梅傲雪凌寒次第開枝上山禽曉啁啾定應
喚我早歸來

部中莫歸寄周公謹二首

日莫空街生白煙歸來羸馬不勝鞭明朝又逐雞聲起孤負
日高花影眠

三年謾仕尚書郎夢寐無時不故鄉輸與錢唐周老子浩然

齋裏坐焚香

絕句

春寒惻惻掩重門金鴨香殘火尚溫燕子不來花又落一庭
風雨自黃昏

都南張氏園寓居

尺五城南跡似幽鄉心空折大刀頭杏花飛盡燕脂雪日日
東風未肯休

和黃景杜雪中即事四首

雪寒淒切透書帷極目南雲入望低欲報平安無過鴈忽驚
殘夢有鳴雞

君說江南苦未歸香橙新酒蟹螯肥何當與子扁舟去共挽
清溪流客衣

客裏相從意最親高秋使飲見天真明年去學潘懷縣滿縣
栽花做好春

元詩選 松雪齋集

天

秀野草堂

當年臨水照春衫浮玉山前水似藍歸計未成羈思惡爲君
飛夢到城南

東城

野店桃花紅粉姿陌頭楊柳綠一作翠煙絲不因送客東城去過
却春光總不知

湖上莫歸

春陰柳絮不能飛雨足蒲芽綠夏肥政恐前呵驚白鷺獨騎
款段遶湖歸

即事二首

湘簾疎一作細織浪紋稀白苧新裁暑氣微庭院日長賓客退繞

一作滿池芳草燕交飛

古墨輕磨滿几香硯池新浴照人光北窻時有涼風至閒寫

黃庭一兩章

詠逸民九首

驅車秣鴛馬，吾將適齊國。聞有魯連子，倜儻好奇畫。一談秦師走，再說聊城拔。功成不受賞，高舉振六翮。布衣終其身，豈復爲世役。茫茫千載遠，安往訪遺跡。躊躇東海上，向風長太息。

四時相代謝，榮耀何一作安足恃。瓜田引新蔓，不見桃與李。知士解其會，遇坎當復止。郇生故秦吏，乃亦睹茲理。賢哉感我懷，三歎不能已。

子真初亦仕，歲晚乃逃之。區區南昌尉，上疏忘其卑。忠言不見用，耿耿當告誰。飄然棄妻子，終身與世辭。抱關甘貧賤，所貴莫我知。至今九江濱，清風激羣黎。神仙信茫昧，此士獨不疑。孤雲無定在，逝水何時歸。遐思一矯首，悵望無由期。

悠悠空山雲，泱泱長江流。廊廟意不屑，山澤聊淹留。故人在四真八天位，高步追巢由。豈曰子無衣，辛苦被羊裘。東京多節義，之子乃其尤。窮居雖獨善，輔世豈不優。

元詩選

松雪齋集

元

秀野草堂

四真

汪汪千頃陂，不爲人濁清。道周言行表，蕩然無得名。誰言牛醫兒，乃是人中英。當時無間言，後世流德聲。思之不可見，使我鄙吝萌。淳風久已漓，此意豈復明。時無君子者，雖賢寧見稱。

南州有高士，食力事耕稼。優游聊卒歲，不矯亦不隘。大木行欲顛，絛纏豈足賴。何爲諸老翁，棲棲不遑舍。斯言一作其非無見，明哲自高邁。誰能懸一榻，待子來稅駕。

鹿門何亭亭，下有辟世賢。鳳雛隱中林，卧龍蟠其淵。一朝起高翔，斯人獨浚潛。功名不可爲，我志久已安。一聞耆舊傳，使我心悠然。

黃鵠羽翼長，一舉思千里。幼安本中原，乘桴走東海。舉世方

尚同遠引存吾志流風漸異俗敦禮化鄰鄙子魚平生友胡
乃不相委

塵事非所便田園久見招歸來三逕中蔚蔚長蓬蒿雖有一一作
荷鉏倦濁酒且自陶茫茫大化中委運將焉逃唐虞去已遠
由來非一朝粲粲霜中菊采采忘其勞

次袁學士上都詩韻

曉日夾雲樹春風吹雪山飛鷹玄兔磧飲馬白狼灣寶帶吳
鉤迴金子漢節閑將軍萬里外不怕二毛斑

送陳都事雲南銓選兼簡李廉訪

送君銓選使滇池部落諸君各自品顯明月夢回夔子北長風
吹度夜郎西山連塞雨驕驪滑花落蠻雲杜宇嗁爲問霜臺
李學士白頭官滿尚羈棲此詩見元音選本
風雅竹詩女卿

杭州拱北樓

元詩選 松雪齋集

三

秀野草堂

香雪尤
城上高樓接太霞今嚴鐘鼓靜無譁提封內向三千里比屋
同封百萬家心在江湖存魏闕身隨牛斗泛仙槎舉頭便覺
長安近時倚闌干望日華

贈脫帖木兒總管

將軍鐵馬擁瑠弓壯歲分符鎮越中山水多情留賀監兒童
拍手愛山公素髯似戟君猶壯白髮如絲我已翁悅禮敦詩
殊不忝看君真有古人風

和姚子敬韻

同學故人今已稀重嗟出處寸心違自知世事都無補其奈
君恩未許歸滄洲白鳥時時夢玉帶金魚念念非準擬明年
乞身去一竿同理舊苔磯子昂仕元極被寵遇世祖與論雷夢多葉李優步曰
夢炎宋狀元位宰相當賈似道談國依阿取容葉李

一布衣乃能上書請斬似道賢于夢炎遠矣子昂因賦詩云往事已非那可說且將忠直報
皇元及桑哥極國子昂首發其奸仁宗在位子而不名當論子昂所不及者數事帝王儲
喬一也狀貌跌麗二也博學多聞知三也操履純正四也文詞高古五也書畫絕倫
六也幼通釋老之旨造詣玄微七也此詩頌聯云云雖悔出處之違心而無及矣

題孫登長嘯圖

在澗幽人樂考槃南山白石夜漫漫空林無風萬籟寂長嘯
一聲山月寒

詠史

酒酣斫劒氣如雲屠狗吹簫盡策勳漢室功臣誰第一黃金
合鑄紀將軍

宮中口號

日照黃金寶殿開雕闌玉砌擁層臺一時侍衛回身立天步
將臨玉斧來

四皓

白髮商巖四老翁紫芝歌罷聽松風半生不與人間事亦墮
畱侯計術中

偶成

元詩選

松雪齋集

三

秀野草堂

甘典

竹林溪處小亭開白鶴徐行啄紫苔羽扇不搖紗帽側晚涼
青鳥忽飛來

即事

庭槐風靜綠一作陰多睡起茶餘一作聽日影過自笑老來一作夫無復
夢閒看行蟻上南柯

趙待制雍

雍字仲穆孟頫仲子夙慧有父風以蔭守昌國海寧二
州歷官翰林院待制

春夜曲

去年美人未還家綠窻青春桃始花桃花今年只依舊美人
別後長咨嗟芳心欲傳向誰愬卷却羅袖彈琵琶琵琶聲哀
思欲絕衣上啼痕幾時滅共君別久胡不來菱花寶鏡生塵
埃君隔揚子江妾居黃金臺臺雖高望無極人萬里今天只

尺春水綠波春草碧來魚去鴈無消息日既莫兮月色寒相思如夢彫朱顏青燈炯炯照不寐攬衣起坐空愁歎

早春

高卷珠簾日漸長梅花庭院雪飄香閑倚闌干看新柳不知誰爲染鵝黃

莫春

綠陰庭院碧窻紗半卷珠簾映晚霞芳草萋萋春寂寂東風吹墮落殘花

結羊腸

孟春之月春始和陌頭柳色黃如鵝落梅紛紛稍覺多白日炯炯曜綺羅曜綺羅日漸長春風庭院花草香十六初過上元節家家女兒結羊腸含情暗卜心自語何時得似雙鴛鴦結成羊腸腸反斷惆悵春闈坐長歎強持薄怒嬌且羞折花

元詩選

松雪齋集

三

秀野草堂

倒插金釵頭

美人曲

美人如花花不如翠滑難勝碧玉梳道修且阻無音書蛾眉長鬢未曾舒春風吹衣裳黯然淚沾襟鸞唳出無心轉添愁海深窻前紅梅花落盡不可簪玉臺明鏡如秋水疑有人間兩西子美人未可彫朱顏朱顏但願長如此

千里思

顏如花膚如雪秋水雙眸面如月千里相思不相見當時却恨輕離別美人美人顰蛾眉綠窻寂寂春風微巫山夢斷君何處化作朝雲縹緲飛

有所思

紛紛落花飄美人在何許相思杳如夢寂莫春已莫一別久不見一往久不還相望雖只尺如隔千萬山

七夕二首

初月纖纖照露臺，枉將瓜果鬧嬰孩。今宵自有經年約，何暇閑情送巧來。

牽牛河東織女西相望，千古幾時期。夜深只恐天輪轉，地底相逢未可知。

古詩

我居水精宮，遠遊來朔方。離家近十載，兄弟遙相望。始見世情薄，紛紛名利場。富貴不可期，人生難忖量。乾坤本無私，江山歎興亡。蟬聲噪落日，露草噓寒螢。明月如有情，照我肝與腸。西風動林東，蕭然秋意涼。回首歲云莫，信美非吾鄉。展轉復展轉，轉愁多知夜長。

思歸

嫋嫋秋風動客懷，啾啾猿鶴苦相催。魯侯不過關天意，臧氏

元詩選

松雪齋集

三

秀野草堂

焉能沮我才。萬里驅馳離舊國，十年奔走在塵埃。吳興山水何清遠，一棹扁舟歸去來。

初秋夜坐二首

夜深庭院寂無聲，明月流空萬影橫。坐對荷花兩三朵，紅衣落盡秋風生。

月明如水侵衣溼，臺榭沈沈秋夜長。坐久高僧禪語罷，澹然相對玉簪香。

秋聲

邕邕鳴鴈復南征，十載棲遲在帝京。黃葉未零寒未應，秋聲偏動故鄉情。

即事

獨坐對明月，遙遙千古情。西風兩三日，庭樹已秋聲。

文徵仲跋仲履詩詞

卷云：迤待制風流習尚不減魏公，而詩文不傳，間見於餘軸間，不獨單詞數言而止，未有若此卷之篇者。楷行間作轉益研美，後云：竟堂。此種妙士，蓋魏公長情，王國器也。國器長於

今樂府補遺卷之四 故山卷所書 多言亦用 且所好 耶亦
從烏程王天雨借觀 遂題其後 是歲正德己卯五月 飲望微明題

趙茂才奕

奕字仲光孟頫季子舉茂才不樂仕進玉山稱仲光天
資秀雅如芝蘭玉樹王謝佳子弟也

玉山佳處分得解字

并序

至正辛卯冬十月余從茗溪來訪玉山隱君艤船百花
洲下適友人呂伯起御史自閩來解后於官驛話舊盡
日賦詩為別明日攜詩偕沈自誠同過玉山中時省郎
楊伯震龍門山釋良琦亦至焉隱君佳客也至乃置酒
於草堂復邀山陰王德輔匡廬于彥成汝陽袁子英同
飲時霜風初寒松菊具秀酒半匡廬于山人舉盃屬余
曰今日之會誠不易得子過賓且文雅能無言乎余遂
以何以解憂惟有杜康分韻賦詩余得解字復為序首

元詩選

松雪齋集

三

秀野堂
陳章

云

我從姑蘇來高臺逢呂身共坐話當年日昃不能罷迴瞻玉
山青百里風帆挂維舟草堂前梧竹自蕭灑一別逾三秋相
見各驚駭開筵出紅妝持盃擘紫蟹黃花照白髮流光豈能
買茲辰且盡樂一醉百憂解

春日書懷

忙裏過韶華東風日易斜黃梁應未熟白酒尚堪賒蝶魄迷
幽夢一作草蛛絲絆落花百年能有幾隨分度生涯

玉山與郊九成自姑蘇來吳興僧可傳邀余陪遊弁

山之黃龍洞時有紫霞同席遂分韻得花字

盤屈度碕礧嶽峯復餘矧龍居潛石洞花暖護蜂衙峭壁生
蒼蘚清泉長赤砂松濤響雲壑竹翠滴桃花杖屨丹梯險籃
輿綠磴遮攀藤嘯嘯欽竝草卧廣慶絕頂望笠澤傾溟想女

媿遙天連島嶼遠水接蒹葭道士來邀坐仙童為煮茶林溪
多虎跡地僻少人家對景詩情逸尋芝道氣遐窻幽塵不到
境勝興無涯堪種茅山木宜栽邵圃瓜寶書傳正法靈劍挂
青蛇徑滑崎尤峻苔荒突又窪淙淙流暗澗聒聒叫鳴蛙下
嶺日欲落登舟路更賒平田飛白鷺別墅宿歸鴉犬吠柴門
近鵝唳野樹斜菜畦黃撲簌麥壟碧交加老態倦跋涉衰形
獨歎嗟山翁荷鋤鉅邨婦倚籬笆駐舫攜紅袖停杯挾紫霞
金鑪薰篤耨玉手弄琵琶錯錯落傾香釀玻瓈插豔葩歌姬聲
縹緲醉客笑喧譁擊柝城將閉吹笳鼓尚撾卷簾風滅燭溼
幔雨垂麻今日雖云樂他年還共誇更闌歸去速燈影照籠
紗

雨窻寫懷

一作春日雨窻
寄玉山徵君

幽窻談笑話平生三十年間幾度更白髮滿頭今已老青山

元詩選

松雪齋集

三五

秀野草堂

加卷

排闥故多情桃花灼灼應無語春雨蕭蕭尚未晴明日扁舟
攜好酒南邨筍蕨正堪烹

此詩見雲林集玉山草堂
亦集寄贈送仲光

送聞梅澗住舟山祥應宮

石磴懸崖人迹稀林溪地僻絕塵機井邊丹竈千年冷窻外
山雲盡日飛老虎每來廊下走黃龍常向洞中歸先生有道
開門坐松響瑤笙月滿衣

遊玉山佳處寫贈仲瑛

我愛玉山奇絕處碧梧翠竹映闌干軒窻傷水琴書靜樓閣
連雲宇宙寬山色溟濛還淡淡湖光潑灑自漫漫登臨縱目
無窮處落日西風作莫寒

仲光與玉山友善雅相去
數百里必一月一致書

西湖竹枝詞

湖頭日日水光波兩雨兩吳娃打槳過笑隔芙蓉不相識向人

猶自唱吳歌

梅字伯長慶元人宋同知樞密院事韶之曾孫也童子時有能文名部使者舉茂才異等授麗澤書院山長大德初閭復程文海王構交薦之改翰林國史院檢閱官時初建南郊疏十議以進禮官推其博多采用者擢應奉翰林文字同知制誥兼國史院編修官累進翰林侍制集賢直學士同修國史至治元年遷侍講學士泰定初辭歸卒年六十有一贈江浙行省參知政事追封陳雷郡公謚文清伯長初師事剡源戴帥初稍長在王淡寧之門復從舒岳祥遊家固多藏書又親見中原文獻其學最爲有本及在詞林朝廷制冊勳臣碑銘多出其手家居以後修闢南園故址結小亭讀書其中翰墨所傳極于海內所著有易說春秋說及清容居士集五十

元詩選

清容居士集

一

秀野草堂

印良

卷元興承金宋之季遺山元裕之以鴻朗高華之作振起于中州而郝伯常劉夢吉之徒繼之故北方之學至中統至元而大盛趙子昂以宋王孫入仕風流儒雅冠絕一時鄧善之袁伯長輩從而和之而詩學又爲之一變于是虞楊范揭一時竝起至治天曆之盛實開于大德延祐之間伯長沒後二十餘年會修宋遼金三史遣使者求郡國遺文故事惟袁氏所傳爲最多故家文物萃于東南百年以來流風未墜論者以伯長實有功焉良不誣也

再從姪瑛幼孤學道龍虎山自傷不能鞠攜述祖德以勉之

煌煌玄冑家越徙艱隱道悶躬三世養真是生祥符觀光績文占籍浚儀佐邑孔勤粵有光祿亦奉于越聿魁開封老守

于括少保恂恂卑退辭闕太保靈承逃難乘筏大堇韜明閭
里胥洽篤生衛公喬柯茂豐敦讓詒則攝獄自公絕蔓秉仁

千人著功冥報氤氳維垣錫崇於赫少傳受學族祖諱覺有書解行于世

正獻亦師之習繹典謨正獻同宇正獻首科少傳踵舉正獻淳熙辛丑登第少傳次舉于鄉

衛公夜慈神告曰汝子宜通上南省甲辰閩郡被黜淳熙丁未中丙科三歲學于正獻公復師以研緊我族父昭穆會稽

非宗疇譜同源迨迨宴堂是敘少傳挽正獻詩曰宴堂聯族子講說後諸生相臣嫉忠同

黨同鋼韓侂胄擅權正獻以太學正罷入偽學少傳以論蘇師且亦廢正學勃興象山武夷相繼登朝

奉常羽儀維我少傳抱其魁竒曰經武有本日用不疲絕幣

罷書感勵孜孜迺登東觀迺佐宰司歲為闡茂正肅冠廷嘉定

纂謨致事以行少傳作程均羸紀經翼翼京邑十載救寧憬

彼介狄迴戈指淮鐵駟虺喧為厲之階公在宥密展誠弼諧

悉卒宵征拉其妖霾總戎輔京乘嘉李全叛以同知樞密院浙西制置使受齊奸沈於

元詩選 清容居士集 二 秀野草堂

淵公歸在里徵彼壽俊縣車告止于時徵公及東陽葛公參政宣公皆不至三年皆近八十矣三啓

公府永楚賜履復荒于齊終越以祀冢子盧陵克謹其承曰

惟瑞安儉不近名生我俊兄志學蜚英上試銓曹計偕薦膺

余年尚孩企焉戰兢女紀旣蒙訖錄更符匪曰愚智阨窮同

途火焚高閔戚戚告瘡不敏其芸莫植其居泯奄長夜盡然

永徂念子之稚孔蕤孔朗不寧以餬俾遊沈荒我雖異途與

汝同情無為夸淫無溺燕勿壹爾氣神履冰奉盈我宗匪微

德芬匪沫來者之榮逝者之戒沾沾裏新不究其敗鑒彼太

素曷其有壞述我祖德送爾言邁匪窮咏歌申以用誠

舟中雜咏十首

好花辟車塵飛入黃河洗河流政茫茫一去不得底納汗有

至道胡為夢清泚念茲物理淡玄籥從此啟

飛鴈翔南雲辟就端有得舊年春風歸雪花大如席陰陽眇

難窺造物司其職慎勿事炎涼來往任行役

道逢射生船有鶴馴且懼青絲閉其目病翼寒蕭疎臬禽九
天來此豈真吾徒獨憐羽毛侶盤桓爲長吁

家奴拾枯草走兔來相親生來不識免却立驚其神行人笑
彼拙黠來始嘖呻乃知特幸脫未信吾奴仁

白葦生寒沙殘花搖嫩蒂燕都百萬家借爾作薪樵物微生
最下功用迺堪取大勝桃李花矜矜鬪妍醜

清夜視北斗正色搖我前乃知中州殊饒饒浪談天名公化
南國美教來自燕乾坤儻一致地氣何由偏

紙鳶帖晴空飛輪走盤線東風恣昂藏得意隨手轉攀雲政
相喜墮地忽復怨兒童豈知此得失終戀戀

惡馬少駕車駑馬多駕船駕船勿戚戚駕車何翩翩渠命有
通塞誰能別媿妍君看鹽車下淚隕如奔泉

元詩選 清客居士集

三

秀野草堂

卮頁

春菘種北土三年變蔓菁一爲居養移自覺顏無情南山植

松苗淡根定生苓千年化豎魄豈比春菘榮

鷓鴣漾晴空意態極楚楚翻風蒼雪迴轉日爛銀舞盤旋傲
孤鴻清遠敵凡羽須臾下魚陂媿我覺疾去

車行二十八韻

乘車古云貴此意昔空羨河流露枯沙桑本接晴甸大車蓬
蓬前小車鱗鱗殿高原縮先登却立駭所見隆如龜戴殼縛

如蠶裹繭效駕何昂昂帖耳復戀戀高岡互回伏遠樹時隱
見禪趺恣掀簸尸寢作瞑眩初疑肝膽傾漸覺手足顛兩耳

傳鳴雷雙眸瞥飛電縈迴蟻旋磨局促蟲負版氣奔驚七還
心嘔復三咽地軸從此翻日輪甯同轉軒鞫怒文撞成速急

欲戰馬悲望雲嘶牛走見月喘惡箠恣調伏詈語極鄙賤中
宵不知勞亭午輒告倦指摩解消肉舍弃足成趺藹漸朝飧

薄重勝春醒。酒土霧散游絲沙。塵起飛麈。咫尺方欲離。頃刻已莫辨。素衣緇漸化。玄髮白新變。人言道途苦。我意舟楫便。雍容漸追昔。麗縵時想緬。輒輪貴尊賢。下足表置傳。曳柴清時羞。高蓋羣牧選。况兹軌轍同。及此寰宇徧。詩成記勞勩。旅次時慰唁。

鞭馬圖

爲狄誠
父作

生駒萬里意所向。知無前圍人。忌其德未試。先加鞭。要令俛首馴。使我嘗相憐。伯樂死已久。此道不復傳。駕車困泥途。伏櫪老歲年。所用非所養。誰能別蚩妍。畫師逐時好。謂爾誠當然。披圖重歎嗟。我意何由宣。

遊長春宮分韻得萊字

珠宮敞殊界。積構中天臺。神清歷倒景。青紅隱蓬萊。羣山助其雄。衮衮從西來。八荒昔禹甸。爲此增崔嵬。舊邑環蟻垤。清泉覆流杯。雲低落日淨。莽蒼同飛埃。緬裊古仙伯。采芝雪氈。繇長春。豈酒國殺氣爲之迴。天風起高寒。玉珮聲徘徊。空餘水中輪。歷錄環春雷。之人去已久。松聲有餘哀。

蔣商卿敘其先人客金陵與先子事契末章復以見

屬次韻

堂堂金陵州。草草石臺路。羽書急星馳。鋒車却金錯。飛雲古戍基。積雪寒沙步。我舟欲輕行。我馬何踟顧。乃翁入門初。此夕傾蓋故。寒暄謝浮語。信宿陳薄具。兹年心尚孩。維時歲云莫。艱虞脫九死。邂逅欣再遇。貞姿固青松。雅曲廢朱鷺。二老古先民。百歲等童孺。微疔隔音容。鉅痛割心腑。孤根擢遺肄。淳嘏悲弱羽。緬裊青檀舊。力守韋編素。伊優笑侏儒。咕嚕陋章句。珥貂匪七葉。插架同四庫。談空齊諧虛。守樸燕說固。芳林極蒼蔚。溟海窮混濩。乃知山中雲。改異巖下趣。心聲要成

律易象那可註羣賢凜無幾餘子競自數愛君思如泉愛君
美如瓠願爲汪汪溪勿作翕翕附巨構千礎承珍裘百狐聚
混世同舖糟勞生已嘗醋整冠儼初服拂衣謝紛紛溝斷寧
繪犧戶樞詎爲盡情淡盡傾倒醉劇多謬誤忘機絕矜絮落
筆化塵腐水深嘉魚潛雲重膠木怒翻翻林間鶴棲棲井中
鮒飄零記疇昔慷慨合和煦辱贈難與酬臨風復成賦

集廉園

芳菲廉家園換我塵中春古樹不受采白雲爲之賓中列萬
寶枝天娜瑤池神背立飲清露耿耿猩紅新幽蜂集佳吹炯
鷺搖精銀層臺團松蓋其下疑有人奕罷忽仙去飛花點枰
茵高藤水蒼佩再摘誰爲紉濯纓及吾足照映須眉真暝色
起孤鳥寒光蕩青蘋信美非故居整馬來城闈

次韻雜詩二首

元詩選 清容居士集

五

秀野草堂
啟生

四房全四

少年觀滄海天濤碧因依下有珊瑚株紅光射雲輝玩之不
忍舍歛吸雙龍飛遠爲塵中遊坐覺顏色違哀哉西山士飢
食周原薇

朝遊東門曲壞道荆棘存纍纍者誰冢舉觴酹其魂死無落
魄名生有咄喋言所以荷蓀翁臨流漱潺湲遺簪隱世德忍
垢躬灌園豈忘輕肥念苟得誠少恩采采松上花飢來助吾
餐

襄伯生

春雨消路塵春風散林纈蕩蕩長安門客子千萬轍城陰有
一士淡食羹不啜采彼松上露煮石化晴雪沈冥護真性觴
至那復說向來舌本淡今作耳根熱維南有樛枝巖溜滋百
結在德良自防居屯詎爲折念此長夜深寒光吐殘月

夕佳亭

赤雲下平田層巒紫光凝疎鐘息萬籟晴湖淨杳冰倦翻載
已棲游雲澹相承吹簫者誰子空林起孤燈感彼金谷人怪
石膠寒藤壯意恥未沒水涌風憑陵亭亭玉浮圖百幻隨廢
興振衣祝天末黯澹銀河升朝曛詎異境氣寂念始澄

潘孟陽上書不報魑里作五詠

此題元音選四首題作送邵元道潘胡叔專能始復刻入迴覽誤

賈生蘊奇略徒步西上書昊天有正命傷哉杞人愚鵬翼垂
雲來魂氣與之俱鼂氏竟寂寂主父復何如

襄陽孟處士

一作漢

拂衣歸故山放浪巖壑溪流咏遣人間舉袖

巖

一作林

花落擊楫江鷗還羊公何墮淚水聲日潺湲

梅生一尉卑

一作微

喋喋正天紀洗心洞玄化削跡棄

一作無

妻子龍

變孰能

一作爲

馴蟬蛻乃真止松迴風泠泠水落石齒齒

虞卿舌轉丸揣事精微茫艱危見交態窮愁名益光黃金散

逝水白璧凝飛霜丈夫有定志得失非預防

元許選

清客居士集

六

秀野草堂

仲連匡世姿揮手却秦軍捲被停白日登車抗浮雲射書誠
草草孤城生死分辭榮敢薄

一作厚

俗矯抗離其羣

送馬伯庸御史奉使河西八首

青瑣倦迂散執轡踰關河黃流何奔傾積石何嗟哉承詔撫
疲吐驚烏在林柯沙場有凍骨野畝無遺禾日夕寒雲聚宿
磷明巖阿訪俗感素心因之聆咏歌

咏歌者誰子被髮號天明婦死不復悲失兒誰與耕承平五
十載不識戰與爭殘雪流銀液我淚同其傾古云百二險夸
誕生甲兵孰能轉夷途歷劫永清寧

清寧闡文運覽彼古帝都秦聲激臺宕洛詠夸敷腴邝山何
纍纍下有白玉趺感彼秉筆者百金盡其諛死者已寂歷茲
文亦模糊偉哉龍門生悲憤有遺書

遺書紀河源荒忽不可識君行河之西春雪淡五尺茫茫賀

蘭山抽矢石爲鏑坐閱三姓王聖代始斂色沙羊護種房名
駝候土驛觀風慘無儔雲端羨飛翼

飛翼西北來遺我書赫號中有陳情詞復憐雙雛啼野曠川
無梁積荒氣候淒雞鳴葡萄根虎嘯首蒼畦清霜集素裘斗
戴天益低頓轡不得上雪山在其西

其西何寥寥云有古先生巖居時一食委形澹無營朝日炫
丹碧匪以斤斧成如何驕榮子騰挈列層城驅力超北海逐
影徙南溟誰能佐玄化泯默有遺情

遺情在相思舉酒不得起永念編簡功篤志刊綺靡傾蓋已
云舊知我實知己送君河之溜凍柳光蕤蕤修途馬飛翻少
立盡瞻俟植德綏今名眠食慎道里

道里吾何能託身承明廬我冠養淡拙清塵辟修途驅馬李
陵臺望鄉問長鬢長鬢不能對吾行益次且羨君萬里道晴

霞起襜褕天山諒非遠推牛植粉榆

大名劉節婦吟

孤鶴不累巢離鸞不飲溪溪明難爲影巢成誰與棲飄飄無
根雲流麗如虹蛻下有貞松臺白日晝且淒我思徹霄漢冥
邈不可梯青青東園柳子規當樹號來者何用歡去者日以
迷擊石端出火擣辛能作壑妾心倘未明請看井中泥

育王珙禪師示寂二紀嶼上人回山中因寄堦主

石墪累荒土月落冰稜稜永襄跣趺叟松風吹不磨山房舊
淨供素壁一枝藤語寂絕禪觀機淡皚祖乘擊石迸新火諸
天化爲燈上有白玉峰丹梯杳難登黃流鉅野漲虎嘯懸崖
崩斯道儻未泯微言足搜徵

善之僉事兄南歸述衷百韻

竝轡承明廬荏苒十七禩陽林集總翠真室麗文綺寶函龍

五言元

元詩選清容居士集

七

秀野草堂
卍貞

鳳章玉佩鶴鶴峙泰帝興鴻文奎壁憲天紀椽楠購羣才弓
帛徵四起番番古遺直正色論道理淡幾虎生風神契魚在
水三光密轆轤一札見萬里雍容丹地近經緯審國是霜封
賚黃柑冰盤錫朱李蒲萄與法酒承燕時漱齒俯陳天人際
齟舌衆披靡始言官高卑子奪慎其軌終言瓊林資海宇極
鞭箠儉情曲如鈎讜論直如矢或以首鼠窺或以妖狐伺奏終
慶雲開再拜玉色喜天青回海鴈萬柳色疑疑屬車度居庸
整隊行過蟻老臣汝居守清霜慎顛俟秋風龍虎臺帳殿紅
旖旎前驅列鵝鶴後御肅犀兕分行獻瓜果傳醴復長跪念
昔詞臣功咫尺寫天旨大令追風雷小言嬾蘭芷約制如竟
寧渾噩回正始告廷趣揚休建社追賜璽稿文具明訓援筆
謝填委飛濤卷天吳歷塊超驟駟嘖憂思澤侯過手直三禩
圍丘導景化祕祝陋五時漢皇禮郟枚食粟倡優比遺恨存

元詩選 清容居士集

秀野草堂

六百十一

至今文俳等方伎緬思周廷彥勢若鹿角倚襄忠肅納約凝
命鼎出否追琢羅寶尊刻鏤羞玉簋朽索馭匪輕淡淵涉無
涖煌煌金匱書世守司馬氏春秋尊爲經不復繼魯史朝光
鳩鵲明千花爛朱蕊松風轉回廊蒼玉振徙倚龍荒起神武
九域極芟薶羣公儼侍御挾矢佩象弭臨河擔剖符披圖開
賜履永言卑退全固以強力恃獻功上王所百一存寶度龜
跌負穹石浮語極褻侈墨兵勦衆妄筆獄破積毀載筆非無
能終歲不滿紙坐曹心靡寧渴日顙有泄清談雜諧語陡覺
兩曜駛自取木鴈中俛首供諾唯文章日輪困涉署絕臧否
或云以彙升拾級上堂肥或云選清望後至實奇士迎塵馬
交趨候門足爭累冥鴻天機淡却立賦三已總角勇志道奇
服曳芳莖澄觀竹素園讎勘徹昏晷儒宗丈人行聞欬輒倒
屣淡湛皇王學揮手謝青紫辭卑相如賦操凝靖節詠婁涼

五公喬渙忍羞筮仕孤音歎寡和激石轉高微浮雲蒼狗來
鼃勉渡江汜湯湯黃河道桑棗日淪圯耕童戲殘鏃一一古
戰壘霜叢射新兔春蒲貫王鮪荒州靜無事拍手歌于蒿枯
灘鐵槎牙積溜玉迤邐太史非好游所歷廣聽視振衣入閭
闔姻契論不鄙相期在霄漢薄祿真礪砥趨朝曉同班退宿
昏共止填膺雙髯張使意竝手抵談經陋菱茲證字窮亥豕
斷絃搜麟膠滅跡問獮髓愛兄靜以絮振鷺立水吐霧溪沐
玄豹日垆粲文雉鏞鐘倡鴻聲衆樂奏立伎向來論交意瞑
目謝諸子出處今不同評議實相似維吳稻蟹區民俗久瘡
瘡貧檐蒲稗齊富廩丘嶽痔傾金恣聯絡所至各關市令儀
養叨憤軟語包詐詭郭解都中夷景氏關內徒坐令撥穗徒
終歲力耒耜興文植清郤省罰厲廉恥重華政垂衣化俾風
俗美行行度東魯野水足荷芰微吟數魚網薄睡倚烏几漁

元詩選

清客居士集

九

秀野堂
藏生

五方三

歌起微茫逸興舟戒樣人言居移淡嘉橘化成枳不見千金
泉一畝夷齊擬離羣增幽憂滯暑積德懣登坡帽低昂跋馬
益遠企管鮑非利交金石誓生死著鞭訝先之稅駕亦逝矣
共享黃髮年斯文永綏祉

送趙虛一道士降香南海諸名山

往從度伯生
降香成都

振策裁眉巔身輕瞥飛鳥懸厓飲崩流側石穿暗篠高騫蕩
心目每恨所歷少捧香南溟使絕足騰駿虜龍淵明珎秀恍
惚百靈繳乘飈訊八公挂席招五老巖光候陰晴水氣變昏
曉神君層巒倚商祭通杳眇念昔結空寂厓广絕登眺希彼
巢居子寢作止林杪鐘鳴驛吏動危坐萬籟愀餘齡水赴壑
歷塊跡電埽韜精習澄觀俯矚八紘小

飲酒雜詩

錄四

京師二十載酒中有淡歡大雨即閉戶朔風嘗解鞍客至輒

笑之是豈空居官振容筮神著鴻飛漸于磐百歲苦世短萬
鍾非我干所以東方生吏隱神益完

陽鳥乘南雲飄飄振奇翮迫此梁稻謀居移遂成客媿我食
京塵擔墓志未獲雙峰十丈松下有千載魄當年侍蓬瀛香
芸森寶冊高齋集遺編朱墨猶手澤戰兢媿匪承永念在行
役

弱冠不飲酒篝燈橫玉繩或云酒中趣湛湛浮雲蒸棄書試
其言杲若烏輪升天根轉晴雷堅城爲之崩妙言粲瓊屑逸
興迨飛鷹醉鄉儻可居無功乃真朋

江梅生空林歲晏美無度挈身踰胡易塊獨此室處擅房望
朝陽耿耿不得語雕籠粲珍禽悵望秦鄉樹爰居東門止盛
饗非素茹臨風嗅其英雅志襄故土

觀真文忠公畫像

元詩選 清容居士集

十

秀野草堂

羣賢輔絕學嗟哉武夷峰熒熒方瞳光汲汲汗簡中緬襄文
明初蒼珮極匪躬執筆侍玉署妙語工彌縫飛塵變蒼狗潛
淵閱游龍空餘經濟心勞俸飢飛鴻濁水投神膠揚清乃奇
功喬松不竝世寒飈轉秋蓬生世我已後正緒遺顛蒙惕然
拜公像斯道非終窮

會大父樞密越公嘉定辛未與先生同官奉常寶慶初同爲侍從先生被黜先公亦以論
邊事去國復拜遺像并識于后 王忠簡公嘉定入朝曾大父越公獲隨班著暨端明公嘉熙
間以西山先生門人歌歷摩節先公則已捐館尙向遊學藝女得拜端明公之子今尹道家
世遺事纏纏不絕口今復見其孫申伯于對喬木摧落橫溪爲此懼瞻仰西山先生遺像因敘
事契并以自勵
亦以勉夫申伯

次韻元復初春思三首

此三詩潘訥說曹
能始俱誤作迺賢

凍樹迴青陽羈禽競新啣喧喧人語浮稍稍春事動澄心絕
芳華小睡足幽夢夢覺天宇新朝光集飛棟

遊塵逐平皋秀色翳榛莽油雲互東西鬱抑不能雨昭蘇在

玄功竟夕復延佇何當杖其巔振翮窮委羽

遠客芳草思湛湛天外舟坐今親知疎低徊此淹留古樹擢
奇石清流滙芳洲素心諒有在胡不爲茲遊

送薛玄卿歸吳子時有上京之行

飄飄江海遊渺渺關河役燕鴻有相避客子無定跡南山火
雲高北山雪新白想此六月時相顧各動色埃倚青松樹上
有雙鵝翼愛君慎舟楫戒我專寢食擾擾行路難風花亂如
棘

有感

皎皎白面生長缺學短長箕坐激楚聲大言響高堂有客將
止之反脣臂欲攘客退不敢言彼怒庸何傷盈盈百花露擬
作終歲糧露晞百花墮掩袂翻倚徨

三月十二日自殿廬歸舍梨花盛開薄莫與陳汝海

花下小飲

元詩選

清客居士集

十一

秀野草堂

敬生

兩人一百歲共飲三十杯雙花夾蒼槍天桃倚晴臺白團燕
山雪紅注天台酷振鷺擬高下遊蜂謝徘徊昂首冠接羅捧
心舞綉總幾日凝餘霞迴風起輕雷不念影寂寂但惜光皚
皚珠衣點綴減粟尺彌縫裁團團妝奩巧宛轉寒紋迴香淡
妒紫檀色靚羞蒼苔辛竑豔陽盛不以塵土摧凡卉工後先
孤根靜栽培翫芳悟觀象擷英審掄材較轆青紫場躡藉錦
繡堆高羞折腰桺逸亞橫枝梅殷勤識花意浩蕩爲我開殿
廬龍光動瑣窗駒影催相迎復相恨欲去還相陪停雲儼若
思落月寒如灰當歌願秉燭渴吻驚恥壘

次韻瑾子過梁山樂三十韻

大野豬東原狂瀾陋左里交流千尋峰會合百谷水量深恣
包藏神靜莫比擬碧瀾渺無津綠樹失其埃揚帆島東西擊
楫鷗沒起長橋篙師歌短渡販客止天平雲覆幕灣迴路成

砥鷹坊嚴聚屯漁舍映渚江柳絲翠如織荷帶組交蕤出日
浮鉦金明霞紆綬紫一歎澆腸迴三頰慰顙泚高桅列魚貫
遠吹生鳳齒前奔何無休後進復不已遠如林鳥旋疾若坂
馬駛飄飄媿陳人歷歷見遺趾流移散空洲崛強尋故壘波
清鳧聚陣日落魚會市土屋危可緣草穴如峙蓮根漲新
圩蒲芽護荒坻水花碧團團雲葉白迤迤濬修出飛泉闡關
搜故址緬思重華帝允屬夏后氏彝倫著箕疇偉功傳遷史
目力渺無窮行跡端可紀前却將柔桑沃壤接良耜餘芳錦
堆爛宿麥翠圍侈乃知東魯儒終作中朝士養源滙澗養包
荒納遐邇驅馳屢經過感歎復慰喜南還幸遂願永雪洗耳
取

憶昔三首

憶昔白雲阡有松如車輪初日炫五采湛湛珠露勻是時十

香四十二

元詩選 清容居士集

十三

秀野草堂

四五恍不知其因有客笑指之慈蔭在汝身猛志親六籍百
川渺無津襄刺慎所從一一先朝臣文昌古遺直談經鬱紛
綸授以漆簡書經緯通天人碧波掣鯨魚瑞錦翻麒麟昌歎
世所鄙食之乃奇珍廁身金鑿中甬悅二十春懼貽先師羞
執筆常逡巡即今已六十誓墓廬松筠厚德靡有報淚與寒
泉淪

外家甘盤宅門閔誠煌煌高懸金碧牖中有衮繡堂珠璣左
右侍絲竹儼成行幼不識慈顏到彼心徬徨每歲兩過之嚴
訓具有方膏梁病居養久爾生惰荒七歲誦詩書十齡學詞
章駿尋志學歲折節師老蒼紀事法班馬冥心契羲皇謬與
時彥交寶書閱琳琅今茲乞南歸往事增慨慷與襄陶與蘇
秉筆追耿光凱風有遺思願言繼餘芳

寥寥帝王州我翁佐其治有亭名朝陽青溪清且駛翁有籌

邊閭羣公集裾翠翹翹萬芰荷雨過爭荷旋飛鶴羽書來翕
霍江上燧裁冠極遊談戎弁生縱恣子時侍其旁側耳聽論
議翁言不見取投劾乃謝事坐令百萬家解甲豎降幟徘徊
夕陽亭晉宋政相似

芳思亭

并序

大父尚書公治圃南郊有堂亭凡十五方池修廊屈折
便宐雨甚亦無礙遊事逮今荒廢踰四十年故基陳迹
不復可考近築一亭雜植花木廣不踰畝髣髴其萬一名
之曰芳思玩其英華將以紬繹志興翰墨有紹是則先
公之志作詩示瑾瑾并求親友同賦

侃侃尚書公投紱理泉石五堂適寒暑十亭送昕夕瓊英玄
圃秀美蔭嘉樹碧修廊不受雨來往隨履烏紅雲漲方塘丹
霞耀翠席嘉魚黃金掌瞥見眇莫測辛勤三十年溪逝晦朝

五方四二

元詩選

清容居士集

十三

秀野草堂

敬生

蹟遺訓示子孫樹藝比其德浮雲變須臾百幻倏消蝕空餘
鄭公莊耕稼給衣食緬彼行樂時種植各有職以茲一畝園
髣髴見疇昔幽葩與羣卉生意日不息朝陽漱靈根三咽妙
紬繹曠裏事幽賞逝矣躬六籍

顛高彥敬桑落洲望廬山圖

為秋泉作

長江亭亭桑落洲一壘獨傲蘋花秋邊聲已逐擊鼓盡水氣
欲挾漁榔浮謫仙騎鯨五柳老真景變滅隨沙鷗空餘秦箏
與羌管斷續不洗琵琶愁玉堂小窻解蒼佩宴坐得意毫端
收空青點雲碧痕溼方諸取月寒光流匡廬老人在何許似
覺領首相遲畱佳峰稜稜鐵鉤鎖寸樹點點銅浮漚要知翰
墨灑清氣俗子政爾勞雕鏤秋泉山人息機事青眼不與王
公酬高張素髣太古擬跨獨鶴還磯頭人生江湖在適意
底用絕俗埋林丘披圖覽古重歎息天際杳靄疑歸舟

秋泉德生仲章梅叔章周儀之皆次余韻題廬山圖
再次韻以謝

海郡列戍連沙洲榆柳插戟搖清秋擬從京國洗氛瘴黃塵
復作煙花浮西山紫翠不可望但訝積雪如明鷗愛君寒齋
之畫幅瀟灑不寫人間愁胸中丘壑我豈少奈此磊嵬難爲
收宣城詩法挺二妙炯若玉瓚盛黃流永興天機愛神俊碧
眼一顧羣無畱千年周子古風月袞袞亦散空中漚乾坤無
言混沌鑿頗怪我輩勞鐫搜沈冥天台老仙伯清坐自與廬
山酬天青無人月色古縹緲五老疑駢頭功名營身旋蟻磨
芻豢得意崇糟丘何當相從老其下釀酒一醉黃金舟

謝王參議送練春紅二枝

玉堂老仙玩幽獨閉戶無人似初溽倚闌岸憤領孤芳藪藪
輕紅冠羣綠化工有意卑凡卉積李崇桃空眩目爭先鬪巧

五言七

元詩選 清容居士集

十四

秀野草堂

等堪憐已向東風盡驅逐此花清妍淨如洗收拾餘春傲榮
辱何郎湯餅徒試妝太真溫泉空賜浴天然生色鑄真態亭
午低頭睡初足誰言花后最奇絕我怪酪奴能汗觸嫣然一
笑奉清懽莫把金尊歌別鴿并妙翦駢頭來珠露淋漓衷
新感似嫌凡子多京塵却恨高人付流俗微風澹蕩新雨生
強拭愁容吐幾馥擬將色筆寫清意綺語非工那忍瀆徘徊
中庭月過半翠袖娟娟泣寒玉

絡馬圖

秋原首藉肥雲屯帖帖此馬和且馴屬車效駕豈在力愧汗
絕足追奔塵良哀不生造父往公子毫端意悽愴虞淵逐日
終飲河出門加鞭奈爾何

寄南劍李士弘使君

水雲雜雜千疊峰海日如鏡行天紅使君新沐坐清樾筆底

丘壑生陰風玉蘭之花不受觸日給飛泉三百斛高春打衙
人不來鶴立蒼苔動新綠

灑陽張節婦瓶中杏枝著花因賦

陶人妙合陰陽機凍壺頃刻回芳菲盈盈綠房綴冰蕊玉蝶
婀娜穿帷飛佳人蓬鬢不下堂手繡孤鳳橫匡牀寶刀翦繒
試春色翠袖慘澹顏無光烏頭可白珠九曲造物淡知憐不
足故應試此一枝春點綴扶疎驚衆目君不聞天上飄鬣龍
平陸成波濤又不聞壁間壺兩曜瞬息如跳珠齊諧茫昧不
可詰炯目看朱動成碧張氏之壺如截肪真火鍊質千年剛
枯根借潤表貞志慎勿語怪魑荒唐

同子唯賦水車

挈辮之智誠有餘抱甕之勞亦良苦何人嘗巧技天機河伯
遂巡魚鼈舞昂昂長身臥滕岸卷地翻濤敵驕暑誰云龍骨

元詩選

清容居士集

七

秀野草堂

啟生

化梅梁未信魚身作橋柱縈紆香輪過流水突兀雲梯卷清
雨橫陳歌板促紛紛倒流谷簾聲齟齬東家盃婦顏色惡步
步生蓮空媚無陽鳥流燦汗成漿平陸須臾涌銀乳推移燥
溼意本同竊奪陰陽天所怒人言無踵能自至跬步周旋路
修阻不辭滿眼看黃雲歲晚論功付梁梠君不見田舍翁年
年苦辛與我同天寒破褐厭糠覈仰視屋壁知誰窮

善之攜酒招遊西湖值雷雨分韻得杯字

南山樹影糊輕煤北山雲花玉崔嵬絕憐我輩少姿媚幻此
異景窮奇瑰湖光山色兩愁絕更挾新雨除飛埃千年龍公
睡忽醒頃刻駕浪鞭春雷我生倦遊端有意陳跡黯澹漫蒼
苔擬將鐵笛寫清怨復恐翠袖舍餘哀主人似怪不解樂故
結勝侶攜尊壘翩翩六鶴舞晴翻華表清唳雲光開絕憐山
雞強翬翼照水寒影空徘徊謝公屐齒殊濟勝偈仄葢宇徒

低摧娟娟新青故隄柳片片輕白孤山梅春風佳遊詎易得
相與一笑同銜杯

賦金華方君雙魚研

海上鱗魚雙鬣紅振鬣直上嫦娥宮似嫌嫦娥太孤絕耿耿
冰雪難爲容須臾海枯不可下駢頭躍入空巖罅翠藤交絡
石硤淡太古風雷催變化得意相忘睡酣熟開眼重光弄蛾
綠跳銀破練何足奇共飽雲腴作寒玉良工感此同死生冥
搜巧琢存其形世人翕霍漫刎頸對此三椀顏爲赧玄英聞
孫古俠士脫粟論交傾意氣竭來風雨泊江干拂拭雙魚落
清淚平生謝子金石交詩魂寂歷飄黃茆此中濡毫作新誌
免與俗子同譏嘲

寄張伯雨道士兼簡鄧慶長

越羅作衫花纂纂今年身長覺衣短垂虹大隄迎權船綵袖

卷之二

元詩選 清容居士集

十六

秀野草堂

翻躑酒危暖還家閉門百不知桐葉題詩綠陰滿鄰坊爲約
張隱居細雨湖橋乘欵段

煮茶圖 并序

煮茶圖一卷仿石窗史處州燕居故事所作也石窗諱
文卿字景賢外高祖忠定王曾孫儀觀清朗超然綺紈
之習聚四方奇石築圖曰山澤居而自號曰石窗山樵
此圖左列圖卷比束如玉筍錦繡間錯右有一童出囊
琴拂塵以俟命右橫重扉石窗手執烏絲闌書展翫疑
有所構思屏後一几設茶器數十童偃背運碾綠塵
滿巾一童篝火候湯蹙唇望鼎口若懼主人將索者如
意塵尾巾壺研紙皆纖悉整具羽衣烏巾玉色綯起望
之真飛仙人子意永和諸賢放浪泉石當不過是而其
自然宜意翰墨清灑誠足以方駕而無媿甲午冬十月

其孫公疇出以相示因記而賦之以發千古之遠想云
石窗山樵晉公子獨鶴蕭蕭煙竹裏月湖一頃碧琉璃高築
虛堂水中泚堂淡六月生涼秋萬柄風搖紅旖旎遵南更有
山澤居四面晴峰插天倚憶昔王門豪盛時甲族丁黃總朱
紫曉趨黃閣袖香塵俯首脂韋希雋美一官遠去長安門德
色欣欣對妻子豈如高懷脫榮辱妙出清言洗紈綺郡符一
試不挂意岸幘看雲臥林墅平生嗜茗茗有癖古井汲泉和
石髓風回翠碾落晴花湯響雲鐺袞珠蕊齒寒意冷復三咽
萬事無言趺坎止何人丹青悟天巧落筆毫芒研妙理黃梁
初炊夢未古舊事婁零誰復紀展圖縹渺憶遺蹤玉珮珊瑚
響秋水

贈張玉田

循王五世孫
來歎叔卜肆

將軍金甲明如日勒馬橋邊清警蹕淮壻徹衛羽書沈置酒

香雪去

元奇選

清容居士集

十七

秀野草堂
印貞

行宮功第一彈冠熊軾填高門英莖玉照稱聞孫
張鉉約齋堂名玉照 一百
年文物意未盡玉田公子尤超羣紫簫吹殘江水立野雉驚
塵暗原陞夜攀雪柳踏河冰竟上燕臺論得失丈夫未遇空
遠遊秋風浙瀝銷征裘翩然騎鶴歸海上一笑相問誇綢繆
兩曜奔飛互朝夕璇府森芒蠹莫測要須畫紙爲君聽落筆
雌黃期破的壺中白日常高懸道逢落筆呼醉眠清歌停雲
意慘澹倚聲更度飛龍篇

次韻張伯雨梅花鳥

雲屏油幕低覆垂晴日倒映黃琉璃孤根自有巖壑趣屈曲
緹室情依依巍峩青女來蕊珠赤脚獨立層冰渠燧人當陽
朝寶鑑金胥簇漏催銅壺何人胸中藏九島內火迴環不知
曉咄嗟已辦天機淡頃刻能成化工少陰陽在手司帝春坐
窗更試明窗塵江湖遠涉女良苦門外萬竅笙竽吟

李士弘枯木風竹圖

爲玉簪圖
又新作

狂蛟舞空蒼髯雙鐵蒙頂雲交加亭亭霜標不受侮慘澹
天籟扶槎牙西山古淵人莫測一柱承天萬牛力會須截玉
化陂龍拂拭苔光遺劍跡

過高郵湖

七十二湖春浪濃風力翦霞跳玲瓏參差凍柳阜蠹重偃首
俛命朝珠宮淮南田父身龍鍾灼龜瀝酒占年豐舊秋積水
挾豐隆長魚揚鬣蒲蕩中桑顛高下淒冥鴻黑禾生耳隨飛
蓬瓢囊扶攜出城東至治天子達四聰詔書寬大蠲民農秀
麥萋萋翠織昔赫日出海扶桑紅歲熟於酉年相逢擊壤鼓
腹歌時雍展牲美報湖神功

趙昌荷花

我家東湖三百頃瑞錦縱橫綠雲凝森森曉氣天香飛星斗

元詩選

清谷居士集

大

秀野草堂

清大

光沈水花淨遠如嬰兒脫文襟近若胎仙臨玉鏡瓊杯欲側
雨絲垂金掌初調露珠定盡將機心付鷗鷺小雨輕煙穿短
艇京塵烏帽二十年夢入滄洲寄清興趙生畫意不畫格淺
粉輕砂養真性韜精斂容羞自陳三沐無言月華靚邇來馮
於號能事老嫩風晴毫髮證玄黃已辨神俊枯遂影之人道
中病高堂視此青琉璃香色俱忘保清靜

句曲山迎真送真詞二章

村序

往歲在翰苑嘗草三茅君制書近張伯雨道士寄示陸
魯望句曲山朝真辭二章蓋每歲大茅君十二月二日
相傳由天台茅山春三月十八日復歸魯望所製乃
十二月而三月獨跛予不揆用韻以補後章纏綿字書
即縉字古率字作辮呂道士過三茅因書以寄且爲異
日朝真之資伯雨詞氣清簡必以予言爲陋也

參差窈窕行雲急，翠旌飄飄露華溼。神君夷猶疑未來，矯首
精思各山立。瑤臺章徹星斗冷，碧扉丹透紅流影。春雷迸壑
人不知，獨鶴眠松已先醒。迎真

妙顏朝迴寶衣解，乘龍高駝賦邁邁。山中老人年送迎，一酌
寒泉過玉壑。翠氣紛霏森孔蓋，挾以流鈴光纒纒。帝子高歌
歸去來，白月迨雲送飛珮。送真

附白雲詩云：九華巖峇峇泉，亭子絕僮插翠微。溼司命於旌夫下，來焚香把簡安神立。殘星
下照覓棠冷，缺月纒分鶴輪影。空洞靈章煖一聲，春來萬壑鳴花醒。紫雲鳳髻飄然解玉
絳，玄竿徽光遶朝互。爭子憎無言，再拜碧杯添沈煙。火鈴跳躍
龍毛，毛腦疑青靑，相樂樂萬象消沈。一瞬間空餘月外聞殘珮。

越船行

越船十丈青如螺，小船一丈如飛梭。平生不識漂泊苦，旬日
此地還經過。三江潮來日，初晚九堰雨。慳河未滿當時，却解
偷朱門醉眼看。天話長短年來，官府催發網經。月辛苦鬢已
霜，布裘漫作解貂具。入門意氣猶猖狂，自古魚鮭厭明越。明
日今朝莫論說，說買魚沽酒不計錢。被髮江頭傲明月，勸君莫
作越船婦。一去家中有門戶，沙上攤錢輸不歸。却向鄰船盪
雙榜。

元詩選

清容居士集

十九

秀野草堂
印貞

新安芍藥歌

送胡伯恭
之婺源

洛陽花枝如美人，點點不受塵土嗔。輕朱淡白鑄顏色，高亞
綠樹爭精神。那如新安紅芍藥，透日千層光閃爍。碧雲迸出
紫琉璃，風動霓裳凝綽約。我聞種花如種玉，盡日陰晴看不
足。微雲澹蕩增寵光，細雨輕濛賜湯沐。何人看花不解理，香
雪紛紛手中毀。酒酣跌踢空低昂，得意須臾竟如此。翩翩驕
驥雲中君，夢花直欲畱青春。青春如流欲歸去，明年看花君
合住。

哀牢夷

送張子元
食事雲南

哀牢夷，蒼山疊翠雲無梯。洱河西傾去無底，晴日倒射紅琉璃。

瑤相傳沈木兒背坐曾遊嬉築城蜿蜒似龍尾千古髯君乃
其始縛繩駕長橋皮船中蕩搖危巔石樓高百尺子孫生長
今漁樵空林明月手可拾仰飲飛流鬚髮溼寒藤冒徑側足
行飢猿兒嘯鼠人立慘澹虛無間鳥道開人寰峨眉東望止
一髮參旗玉井閃閃上下隨躋攀君不聞木皮岡前九折坂
客行胡爲車欲返又不聞青溪關上三碛城纍纍戰骨耕未
平輕家許國要有道矍鑠是翁誇不老張公子當有行繡衣
青春照瓊英笑誇紫燕辭天京朝餐五粒之松子莫食側生
紅入齒從來蠻客尊漢官但飲亾何端有理南飛鴈足何懂
懂不能與日隨西東相思望君日西下去天一握疑有雲氣
時相通

安南行

送李景山
侍御出使

輜軒使者安南來紫泥封詔行風雷溼雲翻空海波立鐵網

卷之二

元詩選

清容居士集

二十

秀野草堂

山裂狂蛟摧神京煌煌鎮無極火鼠燭龍窮髮北彈丸之地
何足論蚯蚓爲城霧爲域瘴江如墨黃茅昏羣蠻渡江江水
渾千年白雪不到地十月青梅猶滿邨赤脚搖脣矜捷鬪竹
箭藏蛇雜猿狖崛強曾誇井底蛙低徊自比泥中獸龍飛天
子元年春萬邦執瑩修臣鄰朱千玉戚廣庭舞笑問銅柱今
何人君不聞重譯之人越裳氏有道周王輸白雉又不聞防
風之骨能專車神禹震怒行天誅李侯桓桓水蒼珮舌本懸
河四方對後車竝載朝未央稽顙九拜乞取金印燧炎荒

李宮人琵琶行

先皇金輿時駐蹕李氏琵琶稱第一素指推却春風淡行雲
停空駐晴日居庸舊流水浩浩湯湯亂人耳龍岡在上古松聲

寂寂歷歷不足聽天鵝夜度孤鴈響露鶴月唳哀猿驚鷓鴣絃
水晶絲龍柱珊瑚枝願上千萬壽復言長相思廣寒殿冷芙

萸秋簇金雕袍香不畱望瀛風翻浪波急與聖宮前敘容立
花枝羞吮蝶旋舞別調分明如欲語憶昔從駕三十年宮壺
法錦紅茸羶駝峰馬潼不知數前部聲催檀板傳長樂書濃
雲五色侍宴那嫌頭漸白禁柳慈烏飛復翔爲言反哺明當
還朝進霞觴辭輦道母子相對猶朱顏君不聞出塞明妃恨
難贖請君換譜回鄉曲

月海歌

水國紅葉下萬山白嵯峨扶胥無垠接天際望舒力挽沈金
波人言老蟾那有光爲借三足之烏起熒煌烏已入地蟾在
天此說詎得然或言大塊蓬蓬氣爲主浮空五色神后輔顧
菟在腹不得吐下入八瀛金碧聚貝宮樓臺珠結戶穹龜前
驅老蛟舞千人之目皆在水各持一月得歡喜夜闌斗轉銀
河傾變滅消沈去無趾

音七

秋江釣月圖歌

元詩選 清容居士集

十一

秀野草堂

南山舞空趨翔鸞北山人立如嗥猿長流東來貫其腹謂是
浙水屈曲萬丈之上源大魚奔騰鱗鬣焦小魚委靡隨江潮
中有白玉蟾落落五采凝不消人言此蟾在天主陰魄淪沒
何爲水中宅篳籬千尺綸蟾永不受吞廣寒高居凌紫清日
逐烏御不得停愛此江水碧倒空浴影潛金精感君纏絲如
有素瞬息還須上天去君不聞任公子東海投竿非小智又
不聞嚴先生羊裘古瀨成高名君家慈母占畢逋百尺樓觀
端可居黃金之鈞不復理明月年年在秋水

三馬歌

東坡三
馬贊本

羌水渾蜂解屯瑞至人率獸尊參以陳仰天門龍爲鱗炳虎
文髯悍擗效伏馴鑿鏘鏘馳道遵帝乘虬相攀雲逝無畱返

崑崙

廬陵劉老人百一歌

昔聞寧王嘉定時平淮如掌糧如坻襄陽高屯十萬卒武昌
金埒饒軍資西蜀環山堆錦繡滔滔南紀喉襟首峨眉積雪
不動塵玉壘浮雲古今守當年行都號全盛翠箔珠簾爭鬪
勝西湖不識烽臺愁北關已絕強鄰聘寶慶天子來自外邸
朝諸侯土疆日窄邊庭憂大帥偃蹇藩鎮倖小壘推剝粗癩
稠春城絃管暗煙雨四十一年變滅同浮漚咸淳太阿已倒
持銅山之賊專宮帷樓危金谷山鬼泣舸走白浪江神悲老
人年周一甲子至元大帝車書合文軌每話承平如夢中萬
事東風過馬耳只今行歲一百一坐閱天地同昨日稊魁聲
苦紅葉翻邯鄲睡熟黃梁失門前手種青桐百尺長笑指截
取諧宮商少君荒唐方朝誕不如老人親見溪谷爲高岸我
孫之孫爲玄孫翔鸞峙鵠高下飛集駢清門憑公欲補先朝
事濡毫更作長生記

元詩選

清客居士集

卷三

秀野草堂

東門行

神皇揮戈度黑河四廂捧日肩相摩金袍珠紫帽七寶剖符
帶礪功難磨年年舞馬魚麗列宴罷玉帳經南坡嚴更傳警
夜氣肅貔貅千列環象駝華蓋西傾星散雪殿前蘭膏猶未
滅千金七首肘腋生拉脅摧胸慘凝血平明羣兇坐周廬傳
旨東西騎交迭棄馬之邦身被繫執簡以朝筆猶舌煌煌傳
恩浹肌髓悲淚填胸痛天裂金繒盈車內府竭虎視眈眈終
一啞

次韻善之雜興三首

習隱漸成癖苔光綠映扉辟名常好好絕俗任非非日落長
鏡柄天寒白苧衣南鵬五月息戢翼笑羣飛

昔日登臨地狂歌祇自求漢宮空有恨吳女不知愁雲葉寒

沙霽江花古岸秋何人持鐵板擊徹舊邊樓
鄧子清如竹蕭蕭澹世情下帷憐草色倚杖愛松聲嗜癖成
書賈身窮付筆耕乘槎空有約何日海邊城

月黑

月黑斗杓轉昏昏古桺壕干擬寒戍響窳堵亂烏號風定歸
潮急門淡落葉高向來江上意無語獨蕭騷

舟中雜書五首

野色連雲白春聲引樹清遊魚新浪急歸鳥片帆輕曉夢三
千里風餐第幾程萍蓬元未穩徒倚問天明
挂席疎星外停舟獨柳邊團團風始陣怙怙月初弦隴曲沙
成雪吳歌水拍天行藏有如此把卷獨悠然
春睡元無著鄉心比酒釀飛花空有意小雨不成容獨樹疑
新埃羣鴉似亂峰艱難憐浩蕩散髮遂初慵

元詩選

清谷居士集

十三

秀野草堂
啟生

四言七八

河落渾無底飄零總客塵春洲蘆鴈少曉戶柘蠶勻京洛饒
豐稔江湖樂賤貧低徊吾不恨應有故山筠

桑柘斜陽道天然錦繡機雲容催溽暑花片憶春霏水落新
魚瘦風清宿麥肥鱸程時屈指重午試生衣

立春日宿大清口舟中見新月二鼓雪作

春月如佳士翩翩欲上船相逢疑昨日一別又新年水鏡心
胸朗空輪體質全更淡飛雪急直與鬪清妍

次韻陳剛中待制初秋

岸嘖倚書楹寒砧徹四城馬蹏人獨語鴈過月初生寂寂候
蟲急淒淒落葉清客裏誰與共搔首見參橫

次韻馬伯庸春思兼簡繼學二首

洛花千萬朵一一爲君開粟暈排金縷酥凝爛玉杯美人乘
馬至仙子抱琴來莫學飛紅召隨風喚不回

行窩春匝匝下榻望君來雙玉於嬌思聯鑣騁逸才
頤詩紅袖擁傳詔錦袍迴羞殺高眠者
楊花滿綠苔

贈瑛上人住洞林

托鉢千巖裏松花凍未開
哀猿依講席飢鳥下生臺
潭影留雲定鐘聲送月回
山中太古雪爲寄一瓢來

送蘇子寧和林郎中韻

貂帽護寒沙冰天閱歲華
斷溪馳聽水密雪犬行車
雲盡難尋雁春淡未識花
昔人奇絕處八月解乘槎

寄開元奎律師二首

開元古壇主老至律精嚴
洗鉢魚遊水開門鶴入簾
拾薪供茗具滴露寫經籤
已悟如來意看花不用拈
開元古壇主身世兩相忘
客至嘗扃戶僧來不下牀
神光千里鶻玄辨九秋霜
白業渾消盡蓮池任意香

元詩選 清容居士集

十四

秀野草堂

髻鬢侍諸父拜雙峯祠堂未嘗敢有頤咏二十年來接
武於玉堂瀛洲霜露之思皴然有覩近開平石長老

興廢補仆光紹前聞遂述舊畧爲六詩且伸歎仰

錄三

慚媿雙峰老光明兩足尊新裝釋迦佛像午窗鉤竹影凍筆點梅魂齋

近烏曉樹禪迴虎伏門春來有新鴈勸我趣歸轅

經院辛勤日千金記始興創寺時以賜金千兩經始今十有四年雨荒蟲蝕棋壁壞鼠

緣藤舊觀丹青復諸天錦繡承短簷增突兀會見出盧能書來

修選僧堂舊有街土言太高碑沙門滅其柱然清班亦不聞有顯者故未及之

寒徹清泉底山童上水華定金非在井羅漢羅尊者語傳昔有一女子墜釵其水遂定煮米

却成沙洗目能生電搜腸可當茶人持一月去此月落誰家

次韻張希孟凝雲石四首

我愛凝雲好朝昏境不同金芽養靈谷鐵網起晴空
月色占今正朝痕子午中點頭那有意吾欲問生公

我愛凝雲好神清湛欲留我千古雪泰華一天秋獨鶴離
羣皎層冰出澗幽無言有淡抱山立正揚休
我愛凝雲好模糊老墨仙癡墓端食月渴驥欲奔泉守黑壺
中日談玄洞裏天煙霞元自足塵世未爲賢
我愛凝雲好能歸萬古春遺簪三島客椎髻八蠻臣栢子添
清供梅花寫舊真天心元不動東海任揚塵

次韻仲章過陳氏城南書隱十韻

矮屋參差倚平蕪黯澹看夢迴榆塞遠愁絕翠峰寒白髮游
絲星丹心古鏡蟠槐明金瑣碎菊鑄玉噴屹憶月時看劍臨
風復整冠鄉音憐過鴈古調拂離鸞去矣歌招隱終焉樂考
槃晚知交態薄老識宦途難口腹非真累毋煩饋一簞

入南城遇老醫言山陽舊事因成十六韻

解后山陽老相傳事已訛奸雄趨草莽天地入悲歌太守籌
謀誤將軍禮數苛韃橐同下吏騶御失前珂渙忍顏如此憑
陵事若何比肩身肩辱却立齒爭摩水卷寒雲甲風揮白日
戈耳聞人作膾眼見血成河翁霍同公子倉皇類小幡官車

奔及馬婦女走乘驟自古儒冠忤難將杯酒和功成真草草
先公在省府論山陽事去
國後維揚論功成謂偶幸
爲中郎將
有北征詩
遺屯迷鼉石鄧文築舊浴暗龍渦土沃邨邨麥湖溪處處

荷人生貴行樂何必問銅駝

壽李承旨四十韻

寶曆開三稷瓊章集萬神蒼龍迴插子玉兔候交辰潞水丹
騰渚壺關氣接旻道傳莘野正學比傳巖醇帝運昌文統師
臣秉國鈞清宮高贊畫潛邸舊經綸意得超今古才雄異等
倫春浮霞錯落秋映玉嶙峋三執中書柄重開大國酌黃鐘
陽脈脈瑤圃霧氤氳仙鼎神膏秘宮壺掌露真恩釀錫麟脯

味薄謝脁脣瞳碧光流漆顏紅色耀銀垂紳凝泰岳設席陋
平津手挈重華古心追貞觀新至人專上壽八表樂同仁非
虎耆年竝猶龍祖譜親息演忘蝶化機靜狎鷗馴蕩蕩心無
競肫肫俗易淳極知調鼎餽不惜汗車茵竹帛千年事桑麻
萬里春管商謀可鄙房杜跡嘗遵斟酌扶元氣彌縫護國珍
倚風憐竹弱聽雪喜松皴玉署親裁詔青蒲獨奉宸蜀江移
戍罷浙土減租勾榻淨唯烏几堂虛且角巾手揮廷下吏目
送幕中賓習隱時思許顥詩尚憶秦黍田溪漚漚花臨澗粼
粼問俗停車緩貪賢倒屣頻藥囊儲赤箭水鑑徹青蘋滄海
收毫末空林絕隱淪籍功文館定約法論堂詢出處關吾道
安危佩一身政須陳蹇蹇直與紀麟麟績蕝慙班馬抽才頌
甫申占天徒有管望冶眇無垠閱歲桃成實知年海拂塵扶
疎慙小草蔥蒨託靈椿

李唐子

元詩選 清容居士集

五

秀野草堂

送文子方著作受交趾使于武昌二十韻

萬里蠻陬貢清秋督使馳乘車專述命受幣聽陳辭紫舌音
聲狡雕顛聚俗滋玉門心愈遜銅柱約難移江漢尊南服星
辰拱太儀趨庭輸齒革授館列膏脂私覲情鈞隱公言理折
疵彈丸空有險束矢定無疑桂蠹消煩渚著龜審事宜要荒
工跌宕保障慎羈縻繁鸚武寒汀遠蒹葭晚岸欵壯遊詩句豁
古戍角聲悲月盡珠簾正山低翠浪欺班超空耿耿陸賈政
怡怡楚水愁腸結衡峰望眼眇過門王事急去魯驛程遲緬
想垂衣治澗求補衮資大夫謀可利小客禮須持諭蜀徒煩
檄平南漫擬碑佇看王會傳端假使臣爲

魯子翬御史分按遼陽作長律五十韻愛其精密予
今歲亦扈蹕開平因次其韻

象御天街正烏輪海觀昇方秋戒愼扈蹕歲因仍石進根

駢拇山迴勢左肱塵淡疑帽重霧密覺衣蒸午頓炊難熟宵
征酒易勝解鞍心惘惘執轡念兢兢酪水分罌缶通薪算斗
升皮毛均製服脂腓或然燈統幕迷高下烽臺閱廢興度關
泉水咽出口月華澄狼戾官芻峙魚麗饌粟徵千房雲壘疊
萬竈墨層層列帳排衣甲行營護棘矜旆旋環似翼鼓發去
如繩斗北瞻紅棧雲西指白登草肥青穰極松聳翠峻增積
雪疑忘象搏風訶徒鷁屬車攢幄帳行殿儼茵憑白氎時逢
賈朱衣定指僧翠旄逼華蓋金甕耀觚稜觀闕天經界儀臺
象緯凭飲飛拳似虎鐵杖足如能竹帛司常煥丹青職貢增
會朝珠帽篋錫宴寶危疑陞立齊垂橐師行陋釋棚廣寒通
月窟高爽寄涼帽上聖英資異丁年武德弘天戈中夜渡星
檄百川承同軌嚴行夏明種恥用鄧別州端首冀分器定先
滕德啟無疆服光傳有道曾皇威宣絕漢陽澤散堅冰表正
辰居所漸仁水集朔庭開下鳴鳳苑廢罷飛鷹舉逸尊加辟
掄材鄙取繪鄧林搜八柱瀛海取三凌曲學慙繩祖孤聞賴
得朋沈思雲外弋冥索澤中罾客議雞同鶴人疑驥聚蠅濡
毫終有思執簡豈無懲謂可兼遐邇邇胡云立愛憎清芬蘭佩
結芳薦蕙報蒸鴻筆吾誠忝輻軒子累乘共知心耿耿明對
髮髻髻馬磨誰憐許龍門共企膺枚生詞過實揚子德徒稱
盛化乾坤闢王綱日月恆麟符昭炳蔚豹霧駭超騰虛白難
為繪空青不受矰欲追千古筆爲付一枝藤

次韻伯庸畫松十韻

妙思通靈素玄陰接帝青抗顏躬蹇蹇蒙頂髮星星颯爽龍
羞秦蕭疎鶴鍊形壁虛生地籟斗近界天經蝶夢春濤湧蟲
疑曉日冥雲生停筇候風入倚窗聽屈曲車連軫騰拏簾列
庭戀御思海岱封爵鄙雲亭月落孫生嘯天寒屈子醒雄姿

輕虎豹浮跡陋鷗鵲

送孫道士歸杭

送鴈南飛十五年胡風吹雪上華顛
梨花疑蝴蝶燕子淡淡似杜鵑
東野先生愁外向西湖處士夢中緣
抱琴獨去知無奈一擢春江水拍天

次韻王寅甫侍讀莅醮長春宮

蛻骨稜稜似鶴輕
龕壇危處玉爲成
天街正候三能色
雲所疑呼萬歲聲
氣篆通靈魑廓落
心章祈歲報清平
金穰上瑞吾皇意不用神芝朶朶生

次韻陳又新

登臺底用惜春菲
平楚微茫落照時
燒後斷碑遺鳥跡
耕餘殘壁隱蠶眉
泉分去路蕭蕭玉
山聳翹雲簇簇
旗駐馬應須更搔首
遠煙迴鴈不勝詩

四庫全書

元詩選

清容居士集

天

秀野草堂

西湖空濛圖

舊隱湖山筆底收
相從京雒意中遊
昏昏車馬飛花雨
寂寂鐘魚落葉秋
千古登臨翻昨夢
百年歌舞漾清愁
何當化鶴看滄海不用呼猿吸澗流

張虛靖園菴扁曰歸鶴次韻

招仙遊館構亭亭
萬壘松寒曉日青
玉局講殘春換劫
石臺丹在草通靈
紅羊赤馬悲滄海
白虎蒼龍儼大庭
爲愛子喬笙鶴美月涼時許夜波聽

送虞伯生降香還蜀省墓二首

玉雪祠官貂帽低
笑乘飛鴈上天梯
寶幡繡重圍
金粟鈿合香嚴印
紫泥官饌每供千歲鹿
驛程淡聽五更雞
流沙可是河源地
搖首揚鞭更欲西

丞相墳前雙闕摧
泉聲隱隱柏崔嵬
金牛已向秦中去
銅馬

空傳渭上來叢竹雨雷銀燭淚落花風颺楮錢灰百年華表
塵千劫聞道曾孫始一回

再次韻二首

振衣千仞笑雲低捫歷星辰履劔梯度坂正須三尺筮入關
應笑一九泥神君祭重祠青馬墨客才工頌碧雞萬里遨頭
端不負花開緩醉玉東西

閣道新平舊石摧望鄉使客意嵬嵬犀牛坐見降王去杜宇
聲隨望帝來三卯錄成塊有憐五丁神泣劫揚灰推釃欲作
鄉鄰會揮手先催弩矢回

送王繼學修撰馬伯庸應奉分院上都二首

玉京高處雪流脂連插雞翹綠鬢垂蹀躞有泥歌獨漉琵琶
無夢說相思黑河舊樂催填譜白海名花擬進詞羽獵上林
俱罷賦卿雲何以報明時

元詩選

清容居士集

十九

秀野草堂

卞真

四白世
淺坡平壘磧漫漫拂眉青帘卷畫看瓊屋起營羊胛熟土房
催頓馬通乾桐官走驛傳金枕冰正分奩貯玉盤莫上鄉臺
望南北白雲微處是槍竿

寄王儀伯太守

維揚太守文章伯故壘荒煙取次顛逆浪風高淮北上寒沙
雲落海青低極知后土花如雪不惜平山醉似泥跋馬使君
官驛畔揚鞭却在夕陽西

次韻李伯宗苦熱

庭院無眠夜氣滾繅星閃閃漏沈沈祝融焮火翻初劫姑射
凝冰易舊心角枕雲蒸紋欲斷蠟鐙煙暖淚難禁蕭騷忽作
還家夢翠木扶疎萬竹森

次韻陳海陰

三月雪花飛作羶春風似欲駐新年夢當好處成烏有歌到

狂時近自然
却樹綠齊黃
鳥界海山青
盡白鷗天何人會得
龐公意布領長披不上船

馬伯庸擬李商隱無題次韻四首

金縷歌殘月墮江
玉顏曾憶侍油幢
象牀雲重思專壹
鯨錦波翻賜墨雙
春淺正空羶
作暮夜涼淡恨
魀爲窗浣紗可是
無靈匹側足寒溪濺石淙

翠簾匝匝護朱光
千葉宮桃滿院香
閨苑有鸞通尺素
靈橋無鵲寄流黃
上林賦罷歸巴蜀
興慶詞工謫夜郎
不是月中親度曲
世人那解聽霓裳

相期來似石城潮
日望晴虹結彩橋
却月簷愁歌漸遠
凌波步近意非遙
抽琴有恨迴清角
壘袖無塵轉綠腰
弄玉最憐隨鳳去
秋來誰與伴吹簫

白髮詞臣兩耳垂
華腴堆吻陋牛醫
宮娥引燭催麻日
院吏傳更寫制時
蠟然化生秋夕
賜翠標蔓勝歲華
移低頭欲說
唐朝舊願侍虛皇
進玉卮

四十九
元詩選 清客居士集 三 秀野草堂

送浦如淵辭官南歸

厭聽朝雞擁被吟
吳船水滑碧千尋
平洲種橘清霜重
小墜栽花綠霧深
澗鶻真能談孟浪
鳴夷端自愛浮湛
因君搖蕩還家思
燭影秋房恨不禁

送巨德新四川省郎中

退食公庭日未西
浣谿清雨換障泥
籌邊舊式傳銅馬
弔古新詩問石犀
荔子綠陰鸚武過
杏花紅影秣陵馳
頭雅集須頻領
不惜郾筒取次攜

送樂德敬甘肅儒學提舉

磅礴坤輿總帝國
手提文印化沮渠
旋宮更問涼州譜
尚右時通梵國書
枸杞夜號端入驛
蒲萄秋落易盈車
飛沙斜日

頻回首歸鷹相迎亦惘如

過揚州憶昔四首

漢東之國古隨州一老昂藏死卽休
黑髮虎頭真骨相青春塵尾鬪風流
人言謝傳爲朝鎮誰信鍾儀作楚囚
浩蕩乾坤納今古好將汗簡寫千秋

空遺蒸壤白如銀不見當年指畫因
高視漢庭無出右清談洛學竟成真
極知羽扇爲癡具更恨烏衣是偶人
六合車書端有意百年荆棘已生春

蕭蕭凍雨溼旌旄猶著殷紅舊戰袍
金盃昔聞歸馬埒牙牌誰信龍韜樓
頭換箭鼓聲急堂上傳孟歌韻高到
底奸雄有真態木綿菴畔鬼車號

四城賦擬張衡麗十鑑書同賈誼哀
公有四城賦江東十鑑腹裏春秋納雲
夢業頭今古起風雷青山不受折腰辱
舊尉慈溪爲郡守屬文箱劫去白眼豈知

元詩選清容居士集三
秀野草堂
啟生

乙亥開
道魁里
徒步回舟泊城南更回首寒風吹淚下天台
此詩屬胡懷寧三省

觀物

黃河不信從天下濟水那知有伏流
自古乾坤合神化空將簡牘費冥搜
張華博物身終死鄒衍談天舌竟休
我亦從今銷綺語春風碧眼玩沙鷗

玉堂合歡花初開鄭潛昭率同院賦詩次韻

一樹高花冠玉堂知時舒卷欲雲翔
馬嘶不動游纓聳雉尾初開翠扇張
舊渴未須餐玉屑嘉名端合紀青裳
雲窗霧冷文書靜畱取餘清散遠香
崔豹古今注青裳一名合歡今但名合歡而青裳之名不著

觀閒閒齋紅梅次蘇公姿字韻二首

臘底飛雲瑞已遲天將絳雪報清時
施朱可是良工手補袞端歸大雅姿
溜溜温泉傳賜浴斑斑辱井媿淪肌
閑門已覺寒如許迴首江南竹外枝

雲閣香溫睡覺遲不堪殘角曉鐘時玉妃瓊屑難爲從青女
鉛華敢弄姿可怪鮫綃能幻色誰將猩血解填肌團圍似就
迴文錦薄莫凝愁下翠枝

次韻仲章舟中思南湖

綠陰濃處彩毫揮忽憶春殘理擢歸約略晚花團錦幄招邀
稚筍試斑衣長年客影如雲度五月湖光似雪飛從此清林
供笑傲莫看迴鴈損天機

仲章詩律大進數日道中論詩亦頗相合復次前韻
以勉之

氣廟屈賈欲平揮格律論詩要有歸石髓定成千歲乳藕絲
空綴五銖衣寒原草盡蒼鷹攫涼月松陰白鶴飛從此窮河
天已近還家何用說支機

此下尚有次韻詩三首頭云仲章詩律已入唐人風調
而下語猶未馴安否類唐人過橋斷橋之意近世學者
類有此失仲章德業遠矣當不若見此始其年翰也其詩中警句如苦心欲寄千
年簡妙語誰傳半夜衣麒麟瑞世非關走鵬鷲呈空不爲飛俱見古人相勉之意

元詩選

清谷居士集

三三

秀野草堂

清明

水落渾黃風晦冥不知節物是清明道旁新塚悲歡盡柳下
長亭聚散輕門靜鞦韆颺燕逐沙寒笈箸過魚驚河南禁酒
河陽飲醉醒相看總有情

空遠樓

紫翠光中擁翠鬟分明倒影落西山遊塵自逐鐘聲去過雨
能將月色還萬里關河新勝槩一天星斗舊躋攀絕憐想像
空顛咏後會應須共倚闌

遊城南次韻陳玉峰

市橋水斷綠交加簇騎險尋處士家坐聽蟲聲行木葉卧看
雲影落簷花清晨采露筠籠重薄莫沾春烏帽斜一徑寒英
端手種好烹晴綠代煎茶

次韻正旦會朝

聞闔春迴旭日鮮花光搖曳珮僊僊金蓮漏下催初刻玉筍
班齊祝萬年香擁袞龍開黼座風迴笙鶴舞鈞天朝元法曲
誰傳得翹醉蓬萊話日邊

昌上人遊京師欲言禪林弊事甫入國門若使之去
者昌余里人幼歲畱吳東郡遺老及穎秀自異者多
處其地以予所識聞若承天了天平恩穹窿林開元
茂皆可依止遂各一詩以問訊虎丘永從遊尤久聞
其謝世末爲一章以悼六首

人說江湖少舊僧懸崖高挂一枝藤采苓欲取千年魄擊石
曾烹六月冰天上星辰瑞歷歷胸中樓閣自層層相逢止說
前朝事知是松源第四燈

青鞵高挂天平臂指點雲門三兩峯禪榻已容黃葉覆詩瓢
從把碧苔封曉風殘月千邨櫛細雨疎煙隔水春我向京城

四首九

元詩選 清容居士集

三

秀野草堂
印真

疑老盡吳山清淺越山濃

獨木山寮不出門一鉗一鉢送朝昏巖迷鳥跡千崖泣松吼
龍吟萬壑奔掩息端如雞抱子愛閑屢見竹生孫海門月落
寒潮急准擬乘槎與共論

玉几峰頭第一枝老禪吃吃我淡知曾將鐵杵敲冰骨侶怪
鉛刀割蜜脾法外無心猶涉解句中有眼即成疑加沙不展
蒲團穩此是開元妙總持

我識虎丘三十年精神霄漢鶻張拳機當危處即燒印語到
盡時難續絃路涉兩岐空有泣谿流一滴竟無傳雙峰古樹
蒼藤罨時有子規嗥徹天

山人趨去意何如八尺方牀自卷舒側岸采茶敲石火隔峰
翦竹溜清渠碧潭印月菱花鏡白鴈橫空貝葉書後日相尋
定何處不干吳下卽康廬

元日朝迴

萬國梯航滿禁衢，
衣裳譯語音殊。
鳳簫聲送織腰舞，
雉扇行分兩翼趨。
花氣欲浮金鑿落，
雲光疑下錦流蘇。
詞臣不識金泥祕，
點指薇垣頌六符。

次韻周南翁退朝二首

蹕道聲迴觀后皇，
霞旌雙引拂朱光。
龜臺新按霓裳曲，
獸鼎重然甲煎香。
歌板過雲穿泱泱，
酒車流水度汪洋。
重輪瑞世思齊聖，
傳信應須屬子長。

雉尾高張擁玉皇，
彤庭金觴粲明光。
舞階飛絮呈一作宣滕六，
執衛一作執傳臚轉阿香。
珠帽簫聲雙窈窕，
翠旌雲影互方洋。
侍臣

誰近前螭立，願紀堯年化日長。

早朝興聖宮次韻

萬馬東西甬路斜，
銀河初曙起宮鴉。
天香隨輦凝三素，
風絮沾袍點六花。
銅史漏浮催卓午，
玉奴聲轉進流霞。
詞臣點綴瑤池事，
底用秋風海上槎。

四首五

元詩選 清容居士集

三五

秀野草堂

用早朝韻酬伯生試院見襲

玉署松深月半斜，
研朱和露勘塗鴉。
射熊心苦穿楊葉，
吐鳳聲清飽竹花。
過眼似迷三里霧，
騰身誰上九層霞。
故人掉首南山去，
應釣秋風漢水槎。

寄城南友人

三入承明願已酬，
蓬瀛又復接清流。
碧牋時寫飛花恨，
寶瑟曾傳細雨愁。
夢遶故園追過鴈，
眼穿鄉樹認歸舟。
茶縻落盡啼鶯急，
慚媿羣公得縱遊。

寄史允叟一作公升

故國王孫佩碧一作楚蘭，
春雲涼月倚朱闌。
玉簫曲趁鶯聲轉，
金鼎香隨蝶夢殘。
碧沚一作波清堪把釣，
黃塵風急倦彈冠。
外

家文一作手采唯君在笑我冰髭跨曉鞍

寄開元恩禪師

思公遯跡閭門寺欲下繩牀謝不能露滴花光珠五采月涵
江影塢千層石榭紅帽明如火海艾青羶冷似冰俛首西山
人物論獨聽孤鴈對殘鐙

題郝伯常鴈足詩

溪羈孤館鬢毛斑猛虎搖鬣障海寰玉樹已歌翹逝水羽書
難射隔平山不須瓶乳終回漢官學雞鳴詐度關一寸蠟丸
憑鴈寄明年春盡竟生還帛書稱中統十五年九月一日放鴈中統十五年乃至元十一年也明年乙亥四月奉使還

小院四月十二日牡丹始開乃單臺花也余將上開

平作詩示瑾

暖風吹雨佐花開送我灤陽第四迴內院賜曾傳側帶舊賞花宴有大

側帶小江南畫不數重臺徐熙牡丹無重輪者李察嗣始有重輪者知之者見當談云耳迴黃抱紫傳真

元詩選 清容居士集 三五 秀野草堂

設嬈白抽青陋小才自是妖紅居第一他年折桂莫驚猜韓魏

公牡丹詩自慙折桂輸先手羞殺妖紅作狀元魏公第三王堯臣第一

寄開元奎律師

雙搶亭亭透夕陽芭蕉淡處碧窗涼江神夜聽光明偈天女
朝分解脫香齋鉢午空烏守樹經臺雲冷鶴歸房平生欲結
西方社侶怪淵明作吏忙

伯庸開平書事次韻四首

沈沈椽殿內門西曲宴名王舞馬低桂蠹除煩來五嶺冰蠶
却暑貢三齊金罍醅重疑花露翠釜膏浮透杏泥最愛禁城
千樹柳歸鴉揀盡不曾棲

身如病鶴倦梳翎往事猶存舊汗青伏日賜冰來上苑晚風
傳竹度疎櫺承恩裁詔心抽繭落筆誅奸眼拔釘憫帳當今
人物論披衣危坐望晨星

的的新愁漲碧波可堪跋馬上危坡明知風伯秋當路更候
天孫夜度河沙磧共傳歌敕勒陰山那復見延陀周廷王會
須椽筆慙媿陳人奈老何

馬足曾窮五色河更將舌本品浮槎新聲促軫傳三疊寶構
懸鈴鎮四阿短榻鴈來愁不奈小窗人去酌毋多白頭慵作
東封頌願效諸生賦止戈

十一月十四日駕至京城楊仲禮有詩次韻

金輿清蹕發龍城乾雪坡陀甬道晴師起晉陽戈盡倒令傳
代邸轡徐行鸞皇合奏雲光過龍虎文章曙色明欲認雞翹
新法從駝車淡處聽鈴聲

安山曉泊

兩袖飛仙舞玉龍曉來朝嶽日華東門當楊柳灣灣碧水貼
芙蓉岸岸紅隔艇茶香知楚客連留魚熟總吳儂白頭已忘

四百五

元詩選

清客居士集

三六

秀野草堂
印貞

干戈事不用乘軒問土風

發御河

一櫂黃流去復回飛沙積岸雪皚皚梨花亂逐沙鷗起燕子
淡隨野馬來晚歲宦情初岸憤莫雲鄉思獨停杯茶蘼滿架
畱春住知我將歸爲緩開

憶雙谿

清谿明處水交流萬井鱗鱗冠蓋稠杯凝玉光明月入暮遮
翠影落花畱雲生古洞千山雨風送層樓萬壑秋麗澤祠前
最佳絕藕花零亂勝滄洲

信州柘真觀二十八咏

錄五

鬼谷巖

縱橫太古石短長千歲藤感彼巖居子獨飲古澗冰

寒月泉

曉汲寒泉清明月各在岳岳空不見月引水復在手

玉簾泉

截玉作明簾不知簾外事應有碧眼仙隔簾見人至

月巖

顧兔樂嬉遨入地不得騁化爲白玉泉彷徨返東井

丹井

金鼎閔寒泉真火彌不壞年淡定飛騰子夜吐光怪

朱窩楊柳青地近滄洲余愛其名雅作古調三首

朱窩楊柳青明日是清明地下不識醉悲歡總人情

朱窩楊柳青黃河瀉如注還俟飛絮時相同入海去

朱窩楊柳青白夢青青好亦如送行客相逢不知老

題應德茂遊吳紀事二絕

澗東冰泉咽松懸月露清何人會真趣細坐與君評

三真十

元詩選

清客居士集

三七

秀野草堂

卯良

聽鶴駕湖曉呼猿驚嶺昏十年南北恨無語獨銷魂

六月二十四日夜夢剡源師同遊山寺主僧延入丈

室出梅花畫卷賦詩翁有胡用章先生坐主僧下時

剡源對席僕居其次案上綠竹一枝青翠可愛剡源

賦詩楸卽援筆

一白不受采重玄今罷論窗前有綠竹密雪打黃昏

題湖曲小景

穆陵御
題詩句

流水無言寂寂落花有意毯毯往事空餘華屋倚闌愁絕江

南

送鄧師禹歸龍虎山

小帽飛花一寸輕舟流水三分落日獨歸洞口隔溪短笛猶

聞

題美人圖

錄四

昭君

鬢影愁添塞雪花枝羞殺宮春誰道佳人傾國解從絕域和親

班姬

望幸眸凝秋水倚愁眉篋春山已悟篋中紋扇須看鏡裏朱顏

綠珠

金谷煙迷清曉玉簫春怯餘寒可恨花鈿委地當時莫倚危闌

張麗華

結綺塵空樓暗景陽春斷鐘遲紅葉無言在手同成井上臙脂

潛昭九日贈龍團次韻

元詩選

清容居士集

天

秀野草堂

月碾舊裁玉胯雲鑪温浴銀芽九日殷勤相贈淡羅猶記金花

夜讀唐將遺事二首

合江雨暗裂珠旗鞞鼓鬢鬢怒促圍不是帝靶車上去元戎那得袞衣歸

雉尾雲淡漢殿開將軍鐵馬響春雷太平未睹忽忽去空憶君王白玉杯

童時侍先人泊京口旅樓一月正對江山樓繫麗特甚江津流民散處不可悉數今皆不復有追憶舊事

因成絕句十首

碧瓦參差第一樓風旗獵獵喚行舟兵廚有酒真堪飲不學弓刀也白頭

紅袖娟娟舞旋齊鑿江一曲唱尤奇西湖院落曾翻得未識

君王知不知

鎗火闌珊月色低少年乘醉馬東西樓頭畫角聲悲壯又聽
歌聲促曉雞

白葦蕭疎野火焚流民草舍各星分沙田土瘦新耕得寧死
江頭不作軍

朱門高插相風旗千里船行總得知稻米流脂江上去健軍
何處是男兒

日日樓頭筭酒錢戎冠太守號籌邊鳴騶傳入丹陽館爲是
行都過客船

淮馬低如果下驕春風小隊打紅毬日斜臺上人爭看銀盃
分明第一籌

明月曾隨多景樓幅巾長袖是清流金焦山勢元相望不捨
諸公富貴差

劉改之舊有山掩
諸公富貴差之句

元許遜 清容居士集

五

秀野草堂
啟生

研山園下將軍宅脫却兜鍪強學儒聞說高堂擁紅粉醉翻
筆陣墨模糊

白雲一片愁千疊此地重來百不如空憶當年覓梨棗小樓
鎗火了殘書

先人課子最嚴時
在旅樓不廢誦

支家口

蕩底天鷲雜櫓聲南鄉今有幾長亭錢湖未盡滄洲興卧看
荷花十二汀

古黃河口

溫溫河水似湯泉送我南趨意萬千入海定從天上去不知
重會是何年

甓社湖

甓社湖中新水清風牽苜帶引帆行靈妃夜度霓裳冷輕折
菱花斲月明

舟中得功遠瓊花露戲成三絕

瓊花瑞露十分清
客裏相看眼倍明
自是江南春色好
錯教騎馬到京城

平生嗜酒不帶飲
最憶停盃微醉時
花下盈盈侶相待
莫教春倒最濃枝

繡禧觀裏花如雪
畱取清陰待我來
應有真真花底坐
生香一曲舞三臺

送危功遠

居庸關外雪糝糊
簇騎分明似畫圖
猶有淡春後
歸鴈見君曾宿洞庭湖

晚訪仲章不遇

小院春濃落照間
碧篁相對乳禽還
晚風陣歇遊絲盡
畱得鱣雲在屋山

三五四五

元詩選 清容居士集

四十

秀野草堂

靜芳亭

簾外羣山當畫屏
白雲如水度中庭
松花落徑無人埽
失却莓苔一半青

大年宿鴈圖

寒夜沙汀睡已成
鴈奴翹首獨淒淒
驚朝陵閣說燕王
事恨殺人間兄弟情

次韻馬伯庸應奉絕句八首

玄都觀裏桃花句
沈香亭前為藥詞
今年春風似憐我
明年春風更相思

肥紅盈盈錦步障
淺黃淡淡綠油幕
絕憐舊嫁小娉婷
一曲生香淚雙落

垂髻雙雙白馬郎
看花不語愁晝長
堂前有婦不官守
遍看吳姬與趙娼

長城骨如沙
小樓昨夜聽琵琶
推手却手怨王家
不辭遠嫁盧龍道
可憐

紅衣夜唱娑羅樹
云是西天好兒孫
吹螺日飲官法酒
笑渠騎馬倚人門

誰家弄玉矜少年
采蓮艇子歌娟娟
娟轉首那知顏色老
猶抹橫雲啼鏡前

向曾六月桓州住
雪歇前巖散冰樹
王郎馬郎太愁生
兩騎雙雙辭我去

烏靴窄窄稱宮袍
雙鬢風翻見二毛
聞道中山止十驛
急須乘馬釀松醪

次韻繼學伯庸上都見寄二首

陰陰榭殿水雲蒼
鴟鵂風微夏日長
渾似醴泉宮畔境
千官齊立從文皇

元詩選 清容居士集

四十二

秀野草堂
啟生

三言五
紗縠單衣珮水蒼
碧戔裁詔繭絲長
日斜雙入通明殿
雲母屏前對玉皇

錢舜舉折枝菊

醉別南山十五秋
鴈聲淡恨夕陽樓
寒香侶寫歸來夢
背立西風替蝶愁

葛仙翁移居圖

翁媪相攜入翠微
轉頭猶有可憐兒
丹砂不是神仙藥
勺漏颺來鬢已絲

離宮圖

龍首渠開王氣埋
淺沙殘草認天街
當年金屋寒鴉聚
時有耕人拾寶釵

子昂逸馬圖

神駿飄飄得自閒
天池飛躍下塵寰
青絲絡首誰收得
畱與

春風十二閑

通史載元秘書滿聽言趨泊然若無營者榻著與殿廡詳定得通里柔氣完以充議者平絨
口今其南歸以子昂畫馬求言愴然以別吾徒之貴矣歎然矣至治元年八月二十九日摘書

薛濤牋二首

蜀王宮樹雪初消銀管填青點點描可是春山畱不住子規
聲斷促歸朝

十樣蠻牋起薛濤黃笮禽鳥趙昌桃浣花舊事何人記萬劫
春風燐火高

宮女度曲圖

望瀛法曲紫霞觴更按伊州奉玉皇翠竹涼淡宮院密新聲
那得過宮牆

簡馬伯庸

象榻香濃翠幌春美人倦繡態橫陳平明欲進朝天鞵小立
蘭鐙慰貼頰

四十一

元詩選 清客居士集

四三

秀野草堂

開平第一集 并序 甲寅

延祐改元五月三日分院十五日始達開平得詩數篇
錄示兒曹

居庸關

太行領羣山萬馬高下拜平巒轉城隍隱隱南北界危坡互
交牙寒溜瀉沔泮陰風玄虬湧巨石忽崩壞周遭青松根下
有古木砮石皮散青銅云是舊戰鎧天險不足憑歷劫有成
敗驅車上林杪出日浴光怪肅肅空巖秋天風迅行邁

雨中度南口

山寒絕禽鳥獨聞子規啼石壁飛雨驟衆木搖淒淒瘦馬蹏
亂石高下翼其蹄陟嶮沮如淡漸覺所歷低暝色起亭午土
屋流寒泥須臾過雷聲倏忽生晴霓水清亦可度戒僕踰前

溪

度懷來沙磧

沙清圓石瘦千里聞風聲驅此轂轍車索索莎雞鳴遠山列
翠席近坡環碧城高下各有險轍跡那由平驚兔道尋我前歷
錄爲之驚天低雲搖蕩土曠塵縱橫膠膺翰墨選遠行有期
程迴頭望南坂初月隨風生

龍門

瀚海雙龍鐵鱗甲卷壑挈雲蹲冀闕千泉百道湊東南急雨
翻空迸晴雪古言神禹功最多導山鑿石疏九河幽都之地
不復顧乃使雙龍下地成盤渦陰風何颼颼磅礴太古秋崩
崖落車礮怪木森戈矛碎沙晴日鋪金燄云是昔日當關挽
勁之僕姑寒泉組練結九曲亭午赫日光模糊車聲何鞞鞞
昨宵急水迷無津垂堂之言猶在耳遊子商人行不已子規
徹天呼我歸翠華北幸那得辭龍門之石高不磨泚筆書我

龍門歌

彈琴峽

在居庸

寒泉飛玉峽誰彈使成聲下有戰士骨嗚咽水中鳴絲石本
異調摩戛生虧成鑿跡匪神禹佳兵構秦嬴駐馬爲聽之逝
者何不平虛牝納新雨急促濁復清重華初省方百神靜相
迎爲作薰風絃散彼巖下情

雲州

天闊雲中郡剛風起沈寥氈房聯澗曲土屋覆山椒撞布朝
朝市通薪戶戶燒遙看塵起處淡淡羨霍嫫姚

金主畫孟浩然騎驢圖

生前明主已遭嗔身後君王爲寫真家國總緣詩句廢灞陵
猶勝蔡州塵

李陵臺

雪衮寒沙風衮灰
眼穿猶上望鄉臺
隴西可是無迴鴈
不寄平安一字來

開平第二集

已未

登候臺

蜿蜒西龍岡
綠草搖晴波
窈有雙玉井
石角增差峨
明良佐神運
目力窮坡陀
層垣睥睨雄
寶構通義城
昂昂鐵竿聳
飛鳥光盪摩
土屋粘蜜房
文韞圍錦窠
緬思皇猷遠
默止松林戈
匪以清暑游
跋履勞鳴珂
陰森晚色晦
寒沙聚羣駝
悲笳月初上
戴斗瞻天河

上京雜咏十首

雲護中街日
風開北戶天
千溝凝白雪
萬竈起青煙
午湔曾持扇
朝寒却衣綿
松林空有界
翦伐不知年

土屋層層綠
沙坡簇簇黃
馬鳴知電急
鴈過識天涼
墨菊清秋色
金蓮細雨香
內園通闔苑
千樹壓羣芳

四十七

元詩選

清客居士集

四

秀野草堂

卯月

天闕虛無裏
城低納遠山
白榆迷鴈塞
青草補龍灣
市簇家家近
官清日日閑
重遊濼問俗
漸恨鬢毛斑
舊歲寒冬惡
霏霏土雨迷
門荒懸馬革
草淨絕牛蹄
列帳煙光慘
空營月色低
縣官捐粟帛
歲晚得扶攜

上國饒爲客
天涼眼倍青
白魚沙際網
黃鼠草間翎
芍藥圍紅斗
摩姑綴玉釘
漸知塵骨換
振佩接青冥

天錫清涼國
晴霞綻雪峰
月低疑墮兔
雲近得攀龍
寶鑑頷冰徹
筠籠賜果封
白頭貂帽客
爲我話溪冬

馳鼓邨邨應
傳更趣進程
草肥涼露白
樹薄曉風清
帳殿橫金屋
檀房簇錦城
屬車流水度
細點侍臣名

伏日瓊林宴
名王總內朝
帽尖花壓翠
衣角錦圍貂
炙熟牛酥

筆醅淡馬乳
澆柘枝旋舞
急宛轉稱纖腰

市狹難馳馬泥濘易沒車凍蠅爭日聚新燕掠風斜晚汲喧
沙井晨炊斷木槎閭閻通茗酪俗簡未全奢
長夏崇真館疎簾灑靜便支頤推萬古止息契重玄月窟窗
如雪天瓢酒似泉主人憐老客下榻不曾懸

再次韻十首

帝京環陸海平野接冰天龍吐青林火狼沈紫塞煙風花秋
黯澹雲葉雨連綿昔日君臣意淡符卜洛年

寶閣凌空涌金壺映日黃梵音通朝漠法曲廣伊涼御榻惟
經帙宮鑪獨篆香吾皇清淨德銀管願垂芳

高下雲中樹疎明雪外山坡凹茅結屋嶺轉水回灣禁路分
馳道沙場當內閑通明風露冷時許侍清班

晨起儀臺立煙青望眼迷草低鷹側目車逼馬迴蹄風勁弓
弦直泥融柱礎低蚊蠅淡斂跡塵尾不須攜

五言三

元詩選 清客居士集

四

秀野詩堂

印

紫極中天正森森接帝青鴈歸傳帛信雉落舞紅翎寶所金
千頃朱門帶萬釘瀛洲清淺處高坐納空冥

昔年曾扈蹕宿直對鼇峰錦掣蘭苔翠波翻墨沼龍起居青
簡注除拜紫泥封共說先皇日千官總住冬

土驛高低置蒼茫七日程馬通分熠燿牛酪注淡清殘雪明
珠闕繁星列火城前山黃白處草藥不知名

千堞蜂腰凸羣山馬首朝沙場調俊鷓草窟射豐貂開舞花
頻簇狂歌酒恣澆今年春事減土舍雪齊腰

箭落驚遊騎鈴傳督運車土風殊楚越驛道仿褻斜細雨三
夏枕清秋八月槎夜聽絲管急漸習五陵奢

長齋孤館靜捧腹睡便便酒斷眸凝碧塵淡鬢返玄凍蜂粘
暖草乳燕啄冰泉過翼時頻數鄉心日夜懸

陰陰松林八百里昔日相傳爲界址玄雲卷甲天馬來雲兔
霜狐先委靡山前犬牙十六州石郎屈膝輕相投淺沙圓石
古轍跡草青草枯無盡愁拂天鎮南北萬井爨松煙似
墨大車龍角全小車輪困東矛戟松花落子復抽不
如昔日當道稠采薪之人不辭出郭十里爭相酬君不聞
雪山之西銅柱南混同鴨綠成東漸金山橐駝爭貢寶翦取
平林作馳道

開平第三集

并序 辛酉

至治元年二月庚戌至京城壬子入禮闈考進士三月
甲戌朔入集賢院供職四月甲子扈蹕開平與東平王
繼學待制陳景仁都事同行不任鞍馬入日始達雷開
平百有五日繼學同邸八月甲寅還大都得詩凡六十
二首道塗良勞心思彫落姑錄以記出處耳是歲八月
袁楹序

元詩選

清容居士集

四十五

秀野草堂

次韻繼學途中竹枝詞四首

紅袍旋風漾金泥車前把酒長跪齊忽聽琵琶相思曲迎郎
北來背面啼

檀房錦幄花簇勻酥凝壘餅生玉塵晚傳宮壺檀板急酒轉
一巡先吐茵

土屋芒草成廡廡前牀翁媪後小姑我郎南來得小婦蘆笛
聲聲吹鷓鴣

閭闔雲低接紫宮水晶涼殿起薰風侍臣一曲無裒操能使
八方歌會同

戲題樺皮

褐裳新脫玉層層紅葉朱蕉謝不能擬製小冠韜短髮意行

雲水一枝藤

龍虎臺

羣山朝宸居層臺納靈秀百泉暗東西千嶂明左右沙積水多伏流先皇雄略浚省方歲巡狩翠華懸中天問俗首耕耨沈沈貌貅壘濯濯鷹犬藪前行節駝鼓執御各在手侍臣仰天威長跪四方奏往聞父老言羅拜上萬壽山桃與黍酒啓齒時一嗅乘雲去無蹤過者必稽首登坡望儲胥紫氣徹牛斗

桑乾嶺

茲山西北來旋轉十二雷昔人望鄉處生別何崔嵬我來坐絕頂雲漢森昭回出日騰金鉦積露流銀臺長空不受暑雪花散皚皚羶車引繩過屈曲腸九迴微踪媿三至南望心低回長風馬耳迅何當賦騷來

龍門

蒼厓出雙闕羣山頰首尊陰風起晴雷摩盪晝日昏鐵峽擁偪仄百川爲之奔疑下有龍湫逞怪蹲天門滄兮出膚寸頃刻黃流渾側徑出石壁巨浸存遺痕緬昔設天險事久難窮論征衣襲輕雨神君儼雲根

曉發

蓐食慎王事曉星當前戶跨馬官道行細草泣寒露亂石鳴琮琤啼鳥守荒樹行行未十里問塚坐當路年衰脛力拘望遠彌窘步天風卷飛蓬白日互吞吐淡知非世才歸畊誓先墓

合門嶺

寒沙高岡聚積溜開土門地媪神功奇茲焉奉帝尊先皇歲巡幸屬車爛華軒今嚴植前茅高下相攀援魚貫別後殿蟻行定前屯飛丸落千尺瞥裂驚危轅履險淡自持人情戒居安寒雲蔽出日去去踰前邨

灤河

近山馬昂髮遠山鳳騰羽百谷奔亂流屈曲長蛇赴維時雨
新過急溜槽牀注居人滙爲井千屢集沙步寒光澄玉膏甘
冽過牛乳兹泉成白溝巨浸合沮洳蓮芡充饑糧魚蝦足租
賦塞翁話疇昔陋彼成險固往事不復論云云日東去

楊花曲

上都楊柳瘦且堅葉葉不展圓如錢年年飛花作端午遠客
乍見心茫然上都飄雪不知數此花與雪相旋舞黃鸝聲絕
孤鴈鳴萬騎千車互來去手攀短條心欲絕宛轉成球恨初
結寒風飛蓬卷車輪點點相亞隨明滅南鄰蕩子衣夜單曉
望出日如黃綿辛勤掇拾不敢棄願刮龜毛同作氈

裝馬曲

綵絲絡頭百寶裝猩血入纓火齊光錫鈴文驅八風轉東西

四八十二

元許選

青容居士集

哭八

秀野草堂

夾翼雙龍岡伏日翠裘不知重珠帽齊肩顫金鳳絳闕蔥朧
旭日初逐電迴颺斗光動寶刀羽箭鳴玲瓏鴈翅却立朝重
瞳沈沈梭殿雲五色法曲初奏薰風酮官庭前列千斛萬
甕蒲萄凝紫玉駝峰熊掌翠釜珍碧實冰盤行陸續須臾玉
卮黃帕覆寶訓傳宣爭頰首黑河夜渡辛苦多畫戟雕闥總
勳舊龍媒嘶風日將莫宛轉琵琶前起舞鳴鞭靜蹕宮門閉
長跪齊聲呼萬歲

次韻繼學竹枝宛轉詞二首

聞郎腰瘦寄當歸望盡天邊破鏡飛昨夜燈花圓似粟倚門

不肖一作停郵送郎衣

年年河鼓度天津郎在灤陽見得真今夕定知郎到日桂花

浮魄滿香輪

約八月十五日抵京

開平第四集

井序

壬戌

至治二年三月甲戌改除翰林直學士四月乙丑出健
德門買小車卧行八日至開平舍於崇真宮有旨道士
免扈從宮中闔無人聲車駕五月中旬始至書詔簡絕
僅爲祝文十三道已入內制悲愉感發一寓于詩而同院亦寡
倡和率意爲顯得一百篇閏五月上幸五臺山以實錄
未畢趣史院官屬咸還京是月丁巳發癸亥還寓舍五
月灤陽大寒閏月道中大暑觀是詩者亦足知夫馳驅
之爲勞隱逸之爲可慕也六月丁卯朔楸敘

端午日繇車中抵開平客中三度端陽愴然有裛
居庸昔日逢端午子規聲勸鱸去舊歲灤陽萬壽宮九節
昔蒲泛瓊醕今年車中飽椒籜盲風北來雨如注沙坡馬鬣
高下迎土屋魚鱗先後附舊家松篁百尋碧蒼蒿花前石榴
樹停車俛首不得語鄰牆簫聲雜駝鼓勞生得意同蝸牛舊
曆却行等蠅虎

元詩選

清客居士集

四九

秀野草堂
啟生

天鷲曲

天鷲頸瘦身重肥夜宿官蕩羣成圍蘆根啜啜水蒲滑翅足
蹩曳難輕飛參差旋地數百尺宛轉培風借雙翻翻身入雲
高帖天下陋蓬蒿去無跡五坊手擎海東青側眼光透瑤臺
層解條脫帽窮碧落以掌疾擱東西傾離披交旋百尋袞蒼
鷹助擊隨勢遠初如風輪舞長竿未若銀毬下平坂蓬頭喘
息來獻官天顏一笑催傳餐不如家雞柵中生死守免使羽
林春秋水邊走

客舍書事五首

容景真愁絕淒涼倍舊年草穿沙觜縮雲住屋頭偏竈冷廚
煙溼窗低簷溜懸畏寒難出戶盡日得高眠
愁極吟看聳塵淡望眼迷屋隨冰上下山趁雪高低乾酪餅

爭挈生鹽斗可提日斜看不足蹋舞共扶攜
蟾影穿窗蠹龍光拂席流淒淒三伏暑折歷九天秋水惡停
泥井冰堅宿瓦溝年年遊上國那識望鄉愁
禁堞防危石官衢漾淺沙犬能搜兔窟馬解避駝車童翦青
蔬甲僧分墨菊芽飄零堪慰藉小雨墊烏紗
宿霧成疎雨寒蓬卷細塵雲飛疑到地草長不知春香几蜂
喧密花房燕語真白頭關塞外猶作未歸人

華嚴寺

寶構燁煌接帝青行營列峙火晶熒運斤巧鬪攢千柱相杵
歌長築萬釘殿基水泉湧沸以木釘萬枚築之其費鉅萬雲擁殿心圍寶蓋風翻簷角響
金鈴險知帝力趨前古側布端能動地靈

行路難二首

桑乾嶺上十八盤赫日東出紅團團迴首平田樹如髮北去

秀六

元詩選

清客居士集

五

秀野草堂

沙石何彌漫青帘高低知客倦勸汝一杯下前坂馬蹏護鐵
聲琮瑋帖石朱闌列危棧度嶺林昏泊官驛冰湧虛泥踰五
尺馬行猶知泥淺溪重車沒蹠路莫尋
敝裘蒙茸蘇季子兩足重趼行不已一朝佩印何纍纍列鼎
腥膻夸國士班生遠出玉門關被甲夜度隨黃間飛沙擊面
燕領失晚望落日思生還書生守株鐙火勤終歲不通南北
鄰一朝安車入關內老不能言願求退

視草堂歲久傾圮述衰

視草堂前草木青微臣三入鬢星星壞牆雨透蝸生角舊竈
泥溪菌露釘溪恐雨鐘催曉箭獨聽寒殿響風鈴堂堂諸老
冰澌盡病叟應鱸種茯苓

翰林故事莫盛於唐宋聊述舊聞擬宮詞十首

禁鐘初動趣傳宣衣袖薰香到御前漸近宮前扶下馬內官

分引導金蓮

御筆圓封草相麻龍戩香透擁金花儀鸞敕設庭前候賜酒
方終更賜茶

制草塗鴉未敢刪內璫宣引侍龍顏已分筆格金蟾滴更賜
端溪紫研山

春帖分裁閣分多宮娥爭餽纈緙羅青絲菜并銀盤送幡勝
新題墨旋磨

文思如泉涌墨林屏風院吏不須尋舊時內相諸孫在猶有
當年埽閣金

入院聽宣席未溫賜金已向案頭存
故事入院傳旨畢賜
黃金十兩始草制 清晨上馬
還家去內出黃麻付閣門

清馥香溫酒玉脂祝文已擬報都知夜來奉旨傳丞相五
雲濃押省咨

天孫夜度玉潢清內托銀盤涌化生秋思未多團扇在擬題
四十六

宮怨月分明
盤雕暈錦是冬衣
鴿炭初生酒力微
聞道邊臣風雪苦
口宣

臘藥布皇威
贊書瞻副節樓前筐篚盈
庭即吏傳淡恨葫蘆陶學士
受渠

犀玉索金錢
五月廿六日大寒二十二韻

地界幽都正風傳委羽來陰機堅積
互空竅起荒埃炎帝辭
施設玄神擅展裁氣疑翻溟
津勢欲壓恢台北戶嚴雲結中

街宿霧霾曉流驚多轂
咽訝銜枚野曠狐魅穴
林荒雀下
臺趁虛人瑟縮走驛吏
徘徊舊篋裘頻索殘
鑪火易灰當陽

紈扇棄薄莫酒尊催牛喘猶瞻月
龍藏敢挾雷曉吟肩峭直
午睡髮結總締紛聊增襲簾惟莫
浪開鼎溫延上客竈湯集

羣孩鳥認南枝宿駝鳴北路回
沃寥河漢接慘澹雪霜堆重
甲身僵仆銖衣說詭詼已知
鄒子的夏覺杜生哀澤國朝曦
赫奮田溲雨催鴻鈞陶石爍
金鑑煮冰摧舊俗慙卑窘新聞
騁博該廣寒今已到姑射不須陪

皇城曲

堂堂瞿曇生王宮幼年夙悟
它心通梵書未睹口已誦
底用城闕窮西東淨居老人
幻境異故作恐怖生愁容
世間習妄了莫喻要以神化
開盲聾歲時相仍作遊事
皇城集隊喧幢幢吹螺擊鼓
雜部伎千優百戲羣追從
寶車瑰奇耀晴日舞馬裝
纓搖玲瓏紅衣飄裾火山
聳白傘撐空雲葉叢王官
跪酒頭叩地朱輪獨坐顏
酖烘蜚蜚聚觀汗揮雨士
女簇坐層搖風人生有身
要有患百歲會盡顏誰童
西方之國道里通至今生
老病死與世同

五言

龍門

元許遜

清容居士集

至

秀野草堂

君恩八度過龍門
眼見蜿蜒守黑雲
漠漠沙田荒礫滿
空將霖雨一溪分

清容居士戲頭開平四集云開平四集詩百首不是故歌行路難竹簾暑風茅屋下
年擬作書圖看又王士與奉頭開平百首詩後云玉海雲生貝闕高騎鯨人去采芝
遊巖江一夕秋風到琴瑟珊瑚浦翠濤

青閨怨 此首從體要錄入

妾家住 在湘江曲門枕湘江春水綠
年年長是莫春時兩岸人家啼布
穀自君話別湘江頭獨上層樓彈
篋篋蛾眉不掃遠山碧滿隄芳草
春正愁舉頭不見君但見湘江雲
江雲聚復散妾心空如薰舉頭不
見君但見湘江水江去不回妾顏
爲誰美湘江雲湘江水雲水悠悠
何日已舉頭望君君不回門前揚
柳空依依

至治癸亥八月望日同虞伯生馬伯庸過槍竿嶺馬

上聯句

有嶺名槍竿其上若棧閣白雲亂石齒青峰轉帘脚積冰太古陰出礦無底壑馬飲沆漉泉鷹盪扶搖暮轍迹委垂紳人聲發虛橐鳥飛接鳥背羽沒疑虎鄴一作霧松秋髮長霜果春頰一作紅脂薄升樵不知疲獨往端有愕兢兢矛頭浙抗抗井口索凝睇見日觀引手撥月廓南下眇塵海北廣終沙漠金橋羣一作仙迎一作遊玉幢一作寶輪百神鑿禽鳴蜀帝魂鐵鑄石郎錯鈞鈴挂闌干一作闌干攬搶斂鋒鏑屬車建前旄馳道徇嚴柝載道三人行弭節半途却

送曾編修同王繼學聯句

奇鶴慕南雲俊鶻欣北雪行藏龜左顧去住坂九折纂書墨兵從擬制銅史挈佩委松籟回冠峩星光徹孰花窺日輪井藻旋風鐵歸思紅葉高家憂紫荆裂晨裝發五兩夕祖謝駟

元詩選

清谷居士集

五

秀野草堂

陳生

賦沙明石痕瘦川遠梳影列吳歌導鷗舞楚製慘鶉結汀葭青女臨岸橘黃人揭組練危瀑懸簫磬古灘咽詩箋江神幻目送山君別炯炯雁集洲挺挺鸛鳴埵賈駟魚貫直僧屐鷺飛滅前坡指迎帽舊墓拜表碣明知紹世譜詎有逐宦轍兒孤文襁昏女乳粉銜涅淡思振鵠原後肩起鳳穴過都塊非歷去魯浙豈接歌驪念睽違瞻蟾數盈缺

袁處士哀

袁字德平與伯長為族兄弟善書法隱居沙家山常作求志賦以敘次先世遺業詩多失傳并附聯句諸作

東湖聯句

舊學無三史新居隘一屨煎熬魚煦轍奔竄鳥驚弦擬整登山屐伯長須乘破浪船出關塵已遠德平過埭意爭先趨船攢旆聚伯長浮梁斷鎖懸潮渾江葑沒德平陸破岸藤纏戍柵依樟密

伯長 官隄砌石平機間蠶喚織德平 砧響鴈傳箋乍靜喧煩耳伯長

猶欣輾轉眠鶻橋華屋廢德平 鵝雁曲河連佃實閑農具伯長 巖絕竈煙急裝紅蔽膝德平 辮髮黑垂肩估客編文貝伯長 邨家

緯木棉生涯疲剝割德平 世路窘迫遭龕室休行客伯長 郵亭歎

逝川鞦鷹圍獵罷德平 聯騎縱游旋路轉分支港伯長 川明幻別

天鄖城花已暗德平 甬水恨空傳數埃搜唐刻伯長 題詩紀宋編

會堂夫子像德平 汲井隱居泉海眼藏龍窟伯長 山心射鹿田水

鳴知權急德平 岸走訝途遷隱見岡巒近伯長 低昂橘柚鮮青山

猶五里德平 綠樹已千年鱣憤如雲擁伯長 閑花似火然苧裳遊

女淨德平 蘆管野伶妍繫纜披團覽伯長 循溪舍竹復徑香幽菊

傲德平 土薄假山偏燈火精廬古伯長 衣冠故物全登門論子姓

對坐敘姻聯金魄篩窗影伯長 丹砂養井淵螢飛光熠熠德平 意

鶴唳翼消消斗室橫烏几伯長 方牀藉素瓊魂魂清時入夢德平

得竟忘筌過墓成崙戶伯長 遵湖復扣舷滄洲迷秀麥德平 真隱

拱朱椽碧洞諸天香伯長 蒼珉帝畫鐫梯危頰縮武德平 像寂且

擎拳紫府商霖歇伯長 丹書漢澤宣銅鋪苔暗蝕德平 經皮燕新

穿倦鳥辭枯柳伯長 游龜戴早蓮古奩開激豔德平 斜穀縐漪漣

淤塞艾排劍伯長 洲乾葭糝鈿官徵都尉粟德平 漁納水衡錢王

絕山靈泣伯長 祠荒野老憐紙旗鄰社鬧德平 草广曲河填此去

真耶爾伯長 斯行信偶然柏幽藏翹麴德平 潭黑袞蛇涎雅興叻

呦鹿伯長 勞生跼跼芳真嚼蔗德平 寫絕擬和鈴轍跡蕪菁

駢伯長 麻菘臬耳緣貞娥鬱龍虎德平 曹相紹貂蟬宰木分神隧

思亭列石筵風霜翁仲老德平 香火釋迦專楚些招歸魄伯長 縱

王官慨昔賢拜峰誰控勒德平 篆水自書玄屈曲東西路伯長 縱

橫南北阡緜華眸轉電德平 得失口垂涎絮酒悲宗老伯長 囊經

想地僂房温連梵唄德平 市近接腥膻破露生衣溼伯長 登坡弱

元詩選 清容居士集

秀野草堂

足胼卧牛遺扁暗德平眠鹿繪容虔金刹從茲訪伯長塵纓合少

蠲伐山靈運蹕德平衝雪子猷顛檜煖蜂偷蜜伯長盧寒鳥啄綿

蟹稀螯數百德平樵影斧論千淡日收人影伯長空嵐漲土埏蒲

葵遮望眼德平蘭紙論吟篇除道家僮嬾伯長偷程地主僂蟻封

徒曲折德平駒隙漫拘孿碎石行行直伯長修篁个个圓溪叢驚

雉翠德平夾徑聳楠榭濯錦芙蓉豔伯長飄香桂子駢雕楹回複

道德平斜閣布陶甑刻畫功難盡伯長翬飛勢欲翩奉常陳劍履

尚服錫紘緹憶織鮫人網伯長惟疑蜀國旃妖蛛汙粉頰德平

土偶聳高顛祛石當時力伯長臨淵昔日權只今畱舊業德平何

處覓幽禪燕領風雲會伯長龜趺日月躔蛛窠緣袞服德平鼠跡

上朱籩累僕供朝沃伯長因僧進午餐佳城蹲五鳳德平素業廢

三鱣勝己窮蘭若伯長名猶慕倜佻臺空霞珮冷德平殿寂羽幢

薦觀主何年住伯長真官永世鍵畫梁誰復葺德平美蔭久頰脰

木已非真李伯長僧空賤壽籤悲來雲翼暴德平恨極水潺湲重

嶺藏椒屋伯長斜暉指蕙櫂暫歸心未穩德平欲去眼空眩憶昔

窮誅闢伯長如今猛棄捐慈山名轉赫德平困塽恥誰湔積翠林

霏悄伯長流波海月娟迷鐘催宿鳥德平橫笛挂烏犍拄笏風騷

匱伯長攜壺主僕牽情衆同黍醴德平臭味比香荃圓澤休論舊

華胥復記前乳鹿號澗側德平哀狄嘯雲巔惇族盤餐盛伯長

通家笑語闐鷓鴣歸漿熟德平舴艋逆風沿濟勝應難促伯長臨

流且賦遄鳴夷歌逝矣德平漁父卜終焉紫槿遮籬角伯長丹楓

壓廟堍鍊形金骨化德平圍礎土砂堅破屋啼山鬼伯長荒碑立

老鸛歲時羞野賽德平水旱禱靈筭西帝澄金字伯長東湖鑄玉

睿涼颺舟泛泛德平晴日草芊芊射鴨繁長弋伯長叉魚擊短艇

酒廬橫矮甕德平屠几斫肥胠街市僧袍麗伯長招虛販鼓鬻登

臨難婉戀德平想像費平銓更欲南窺海伯長誰能北跨燕同心

香室
元詩選 清容居士集 五五 秀野草堂 下頁

雙蘭緒德平 狗俗走珠蟻朗鑿詞聯寫伯長 玄談茗更煎翔翔誠

放浪德平 匍匐類狂屣已乏凌雲句伯長 時思縮項編還家如夢

寐德平 共點曉霞邊伯長

九月望日送姊婦余氏先登之廬登其高祖少師墓相傳為外高祖忠定王所相余氏之興兆于此支譜為尚書公某亦為佳兆十六日早發遵山行一二里拜外舅之考待制公守墓僧畏祇迎開叩之終無人聲山勢左行清與未已惜余菴舟過東湖上外曾祖忠宣公滄洲堂故基悽惋久之舟上球余與德平行至月波忠定王所建寺後有洞像補此示相舍舟登萊夫人入行大師菴又上五祖堂觀招魂辭黃牝鹿野拜正肅公祠奠水州九蓮行久殊為疲勞是夕德平抱兒相示肩宇修馮子許以承大十七日早明過禮德拜正肅公墓讀楊文元公碑菴僧酒然非鄭氏菴此見日危宇掃堂同菴僧指游領大慈七山有僧年七十餘能道嘉定紹定開事示忠宣公所製東滄洲堂上梁文益重遠想拜忠獻王墓趨復宿鹿野嚴君命以八日船遊海觀王祠日已晏余親病瘵復面宿詩成凡一百二十韻華感懣柔純于詩詞雖不工然二人綴籍之勤有不可不示于好遊者用識于後云己丑

十月某日桐書

海鵬跨南雲一去搜浩蕩宛駒踏北雲絕足追罔象宵征車

載脂伯長 明發燈在幌行邁念悄悄離愁裏養養違吳始接浙

過越伯長 類一作指掌蛛網結遐一作思羯鼓促新響傷至不復辭

元詩選 青谷居士集 至美 秀野草堂

駕逸伯長 誰能仿明堂企棟梁武庫輪一作篠簞氣合芝蘭芬一作

天外鴻橫上曉輪一作層一作輕冰午店憩平壤追攀瞰煙濤德平涉

歷走塵鞅長淮橋蟠螭薄霧裘驪駛風臺牛一鳴伯長日觀雞

三唱團桑沃如蓋宿草亂若緦青帘客沽酒德平素鬣漁收網

心觀洙泗流眼豁恒岱爽追程騎侵星一作雲伯長勸耕農植杖俗

厚喜豐登氣快存慨慷伊河既東流德平維斗復北仰誰云風

土殊始覺宇宙廣骨聳終超騰神清何儻悅鈞天夢非真伯長

廣寒步空想銖衣入閭闔芥粒視北垞千官紫府榮九奏彤

庭昶摘文翦金炬德平展采簇天仗清都踰咫尺弱水漫方丈

絳旂雲霧開寶扇日月晃仁聲被八表伯長德意蘇一作羣枉泥

檢極封崇芬苾嚴盼蠶瑞氣藹重重泰階瞻瞻兩兩馳峰出天

廚德平裏曉錫中帑鳴珂接俊彥正笏嫉一作偏黨德人笑采芝

德平

德平

逋客棄拾橡茅拔要有方長 矢來本無嚮相累但魂詞越相

僅金像遭讒氣徒憤得計身何往豈如及承平相與窮昭朗

君行步飄飄我滯心悒快輕霜著衣一作帽 微霰一作草 莽

離歌起蒹葭古製出一作却 益益先登匪十獲後至激孤燹城南

鐙火淡復 塞北音書駐東一作素 風漸披拂臘水初一作將 澗潑詩成

愈加險酒盡未為彊雙眸秋水炯德 累語春波盪經行度崎

危交友希個儻羈遊棄楚荒遠客憐齊倉光陰尺璧重伯長 事

業千金賞行還雁搶頭復睹鴻都榻時來戒步窘事至勿枝

癢脂韋本凡近德 鐵石乃忠讜詞林納疵美書田課荒穰列

仙會儒癯羣仕趨吏駟陸生強啣嚙陶令終骯髒貞心百千

辟正色上帝享徒爲捧心施莫學画眉啟功名要無心造物

端有相行行遂初志作事記疇曩伯長

秋雪聯句九月十五日 同伯長繼學 秀野草堂

五言九十三 元詩選 清客居士集 至

金神縮兌澤水妃表玄英西郊散冰粟北戶垂珠栝一登發

重瑞六莖凌孤清白藏縞衣舞顛氣霓裳呈楚客迷望眼羌

戎候軍聲桂粉靈杵飛穀精露囊盛降霜鄒子憤停日陽侯

爭澄霄鶴失頂空江鷺搖晴菊貞返素朴木落超空明鏗鏘

商籟諧大小藍璞成蒼花賸壠畝梅蕊光檐楹初疑蚊蚋集

漸覺鵝鸕迎漢盤結衣濯韓堂滅宵檠陽和趨報社嚴凝儼

書正掩被青女辟沾巾素靈驚擊鷹眩莽蒼樹羽登崢嶸長

楊散旃屋五蠹增門閤絮圍柳殘葉鹽裹荷畱莖鈴飄孀娥

匣菴落少昊旌井梧炫銀牀庭櫻轉珠纓萬入西帝遊六變

坤母寧初驚遽然至忽訝乃爾輕單衣亟搗素黃裳倏飄瓊

陶姬却帳暖唐皇咽簫橫昊天有正命殺氣何橫行沈沈宸

居肅兩兩台階平胡吹偶先集澤雷久藏鳴碩果理固在飛

葭澹無營

送仇仁父分教溧陽兼寄張仲寔

往讀大曆才子詩常恨諸人不公卿當時將相漫豪舉誰如
千年麗句留佳名破帽飢吟孟貞曜一尉辛勤晚初調至今
山水餘妖妍尚有當年賦詩料廣文清絕非警曹況君意氣
凌雲高覺宮寬閑衿佩集底用如彼雕鐫勞丹陽湖西足煙
樹想像昭關遁逃路六朝舊迹徧蒿萊盡是諸賢醉游處又
生自古并合難詩人今日盟未寒聯珠粲比百里聚會見十
史昂頭看西秦公子眸炯炯陽羨三年官舍冷憑君為我致
相思行矣追尋嘯煙艇

送屠存博分教溧水

海內文名三十年青衫初映綵衣鮮積薪未許論工拙拾級
那能較後先鱸舍談經周禮樂鷁舟臨賦晉山川春風無限
分攜意日斷楊花綠水邊

